



Wantok



Namba 1865 Wan Wik Me 13 - 19, 2010

Niuspepa Bilong Yumi Ol PNG Stret! **K1 tasol**



Sabina's Corner

Noken abrusim Tok pisin - P5 Tok English - P6

Sabina's Corner

Olgeta wik!!

Sir Somare must take action on outstanding matters...

We bilong abrusim sik Kolera toksave i stap insait...

P9, P14, P15, P20

Kisim FRI Kredit!

Kisim inap 20% moa FRI Kredit bilong mama taim yu top ap wantaim

Digicel
Direct Top Up



Kisim 20% ekstra Fri Kredit taim yu top ap wantaim Digicel Direct Top Up long Mama Dei taim.

Yu inap top ap long 1 kina igo antap inap long 100 kina.

Ofa bai stat long Fraide 7 mun Mei na bai pinis long Fraide 14 Mun Mei, 2010

Digicel

©2010 Digicel, Digicel and the Digicel logo are trademarks of Digicel.

Digicel Tems na Kondisen stap. 20 percent Fri kredit bai stap long fone balens blo yu clostu long bihain taim yu baim kredit. Ofa kamap long olgeta Digicel kastoma.

Gogodala kanu festivol!

Laipstail stori bilong Gogodala kanu resis.. P16

BALA: Dispela C gret tim em ol sumatin i resis long Gogodala Kanu Festivol long Balimo, Midel Flai distrik long Westen Provins.



Zibe laik save sapos sios inap oraitim AIDS long prea

Paul Zuvani
i raitim

MINISTA bilong Helt na Memba bilong Huon Galf, Sasa Zibe, i tok em i no save long ol toktok olsem prea yet inap long oraitim ol manmeri i gat sik AIDS.

Na sapos i gat ol sios husat i wok mekim dispela wok, i gutpela ol i sindaun wantaim em na tokaut long helpim ol i givim.

Mista Zibe i mekim dispela tok bihainim askim bilong Memba bilong Aglimp Saut Waghi, Jamie Maxtone Graham, husat i tok em i laik save sapos Zibe i klia long ol sios

husat i tok ol i ken helpim AIDS sik manmeri wantaim prea bilong ol.

Em i tok kain toktok i save kamap long sampela ol pentekostel na ri-vaivel sios.

Taim em i bekim, Zibe i tok em i no harim na i no save long kain tok olsem, tasol sapos Graham i save em i mas askim dispela ol sios wantaim komiti bilong em long ol i kamap, sindaun na skelim tok wantaim em.

**Ritim moa
PALAMEN NIUS insait...**



Memba mas go bek long provins: Somare

Paul Zuvani i raitim

GAVMAN bai givim helpim tasol pastaim ol Memba bilong Galp i mas go bek na stap wantaim ol manmeri.

Taim ol lidaman i stap wantaim ol pipel ol i ken tokaut stret long ol samting ol manmeri i laikim.

Dispela em tok bilong Praim Minista Gren Sif Se Michael Somare long taim em bekim askim bilong Galp Gavana Havila Kavo sapos Gavman inap helpim provins long bringim bek ol sevis i go long provins.

"Yes, mipela bai givim helpim tasol namba wan samting mi askim Gavana em long em i mas go bek na stap wantaim ol pipel."

"Taim em i stap wantaim ol em bai save long wanem samting ol pipel bilong en i laikim long em."

"Nogut long em i stap longwe na toktok tasol



GO BEK: PM Gren Sif Se Michael Somare

long maus," Se Michael i tok.

Wantaim dispela Se Michael i tok ol Memba long Galp i mas wok bung wantaim na bringim sevis na divelopmen i go long provins.

Ol i no ken wok wan wan.

Long taim bilong askim Mista Havilo i tok long las Julai em i bin salim wanpela askim i go long opis bilong Praim Minista na askim sapos Gavman i ken helpim provins bilong em wantaim mani na ol risoses.

"Galp provins i nogat

netwok bilong rot. Nogat wok bilong agrikalsa, trespot, bris, ples balus, benk na bisnis."

"Ol manmeri i tromoi bikpela mani long ron i go kam long bot na balus."

"Sindaun bilong ol i no gutpela."

"Tasol nau olsem wanpela bikpela projek olsem Likuifaid Niturel Ges (LNG) projek bai kamap."

"Mi askim sapos Gavman i ken helim provins bilong mi," Kavo i askim.

Praim Minista i tok long las Oktoba Gavman i givim K100 milion i go long provins na long dispela mani K60 milion i go olsem Memorandum bilong Agrimen (MoA) mani.

Na Gavman bai givim moa helpim sapos ol Memba i go bek long provins, wokbung wantaim, luksave long laik i stap na kamapim divelopmen, Se Michael i tok.

Projek kamap bihainim tok orait

Paul Zuvani i raitim

OL bikpela projek olsem Papua Niugini Likuifaid Niturel Ges na Ramu Nickel i kamap bihainim ol tok orait i kamap long em.

Na olsem ol i no kamap nating, Praim Minista Gren Sif Se Michael Somare i mekim dispela tok long taim em i bekim askim bilong Lida bilong Oposisen na Memba bilong Mosbi Not Wes Se Mekere Morauta sapos em i save olsem dispela ol projek bai bagarapim busgraun.

Na taim kain samting i kamap long bus, graun na solwara bilong ol manmeri dispela bai bagarapim tu sindaun bilong ol.

Se Michael i tok ol toktok i stap long kamap bilong dispela projek em Se Michael bai givim long Se Mekere long kibung bilong Palamen long tude.

"Mi bai givim wan wan ol tok tok i stap insait long tok orait bilong dispela ol projek."

"Em bin kisim planti taim na planti kibung bipo long dispela ol projek i kamap."

"Na ol divelopmen i kamap long Mosbi i kamap bihainim tok orait bilong kamap bilong dispela ol projek."

"Na mipela i mekim dispela ol samting bihainim pablik praivet patnasip (PPP) program," Se Michael i tok.

Em i tok kamap bilong LNG projek bai bringim bikpela senis long kantri na olsem kantri i mas redi gut long dispela projek.

Long taim bilong askim Se Mekere i ask long sapos gavman i bin skelim gut hevi dispela ol projek bai kamapim bipo long em i givim tok orait bilong en.

Em i tok ol toktok we bipo Atoni Jenerel na Jastis Minista na Memba bilong Rabaul Dokta Allan Marat long kamap bilong LNG projek na long hevi we Ramu Nickel bai mekim long tromoi rabis bilong en long solawara long Madang we Gavana bilong Madang Se Arnold Amet i no laikim i mas givim sampela tingting long gavman.

Oposisen sore long Marat

OPOSISEN lida, Bart Philemon i sore long bipo Jastis na Atoni Jeneral, Dokta Allan Marat bihain long gavman i tokim em long risain long dispela wok.

Mista Philemon i tok Dokta Marat i bin wanpela bikpela memba bilong gavman taim Somare gavman i kamap bihain long 2007 ileksen.

Em i tok Dokta Marat i bin stap insait long grup we i kamapim gavman long 2002 aninit long National Alliance, em i mekim gutpela wok olsem deputi praim minista na Tred na Industri minista.

"Bihain long 2007 ileksen, em i stap olsem jastis minista na Atoni jenerel insait long gavman bilong Somare," Philemon i tok.

Em i tok Dokta Marat i mekim gutpela wok tasol gavman i askim em long risain bihain long em i mekim liklik toktok tasol long midia agensim tingting bilong Mista Moses Maladina long kamapim lo bilong senisim wok bilong Ombudsmen komisin.

Dokta Marat i bin tok olsem ol toktok bilong memba bilong Esa'ala, Moses Maladina long em i laik kamapim lo bilong senisim wok bilong Ombudsmen komisin em i no tru.

Dispela i mekim na Praim Minista Somare i askim em long risain long wok bilong em.

"Rait bilong em long toktok aninit long mama lo em olsem wanem?" mista Philemon i tok.

Em i tok ol memba i mas gat rait long tok tok long wanem samting i gutpela bilong kantri bilong ol na dispela kain pasin gavman i mekim long Dokta Marat bai pasim ol long toktok.

Mista Philemon i askim Dokta Marat long lusim gavman na go long oposisen wantaim pati bilong em Melanesian Liberal Party.

Em i no amamas long pasin Sir Michael i mekim.

OXFORD, TOK PISIN INGLIS DIKSENERI

Katim, na pulimapim oda form daunbilo na salim i kam long Wantok Niuspepa sapos yu tek teim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inggris, o Inggris i go long Tok Pisin. Harap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

ITEM	QTY	PRICE	TOTAL
PNL Tok Pisin English Dictionary	9780195551129	K38.00	

ORDER FORM

Customer Details:

Name: _____

Address: _____

City: _____

State: _____

Postcode: _____

Phone: _____

Fax: _____

Payment Details:

Account Name: _____

Account Number: _____

Branch: _____

Branch Code: _____

Swift Code: _____

Delivery Details:

Delivery Address: _____

Delivery Date: _____

Comments:

Signature:

Stamp:

Zibe laik save sapos sios inap oraitim AIDS long prea

I kam long pes 1

Mista Graham em i siaman bilong Palamentari Komiti bilong HIV/AIDS na i mekim dispela askim long Palamen Kibung long aste (Trinde).

Zibe i tok ol sios i save mekim planti ol gutpela wok na we gavman sevis i no go, ol sios i save stap na givim sevis.

Em i save olsem ol bikpela sios i mekim planti ol gutpela wok na i wok long mekim yet na gavman i amamas na i laik wokbung wantaim ol.

Em i tok gavman bai skruim wokbung wantaim ol sios aninit long pablik praivet patnasip (PPP) program.

Askim bilong Graham i bi-

hainim askim Memba bilong Samarai Murua Gordon Wesley i mekim sapos Zibe i givim luksave long strong bilong ol bus marasin (herb) na i tok orait long wok bilong ol.

Dispela long wanem em i tok sampela ol herbal ejensi i wok long kamap planti long kantri na i laik save sapos Minista i luksave long wok bilong ol.

Sampela ol ejensi i tok ol i ken oraitim planti ol kain sik na AIDS i wanpela bilong ol.

Long dispela Minista i tok i tru olsem bipo long waitman marasin i kam, ol manmeri bilong mipela i save oraitim ol sik

na kisim strong long ol bus marasin.

Olsem yusim skin bilong diwai, lip bilong diwai o rop bilong diwai long oraitim ol.

"Long dispela as ol i gat bilip yet long ol samting bilong bus."

"Em i no rong long wanem sampela taim dispela ol skin, lip o rop i save oraitim ol manmeri long sik bilong ol," Zibe i tok.

Na em bai kamapim wanpela komiti long lukluk na glasin sampela bilong ol bus marasin ejensi na givim ol luksave long wok bilong ol o pinisim ol long dispela wok.

WORKING ALL OVER PNG

BULLDOG BOOTS:

- Dual density Polyurethane rubber sole for extra comfort and increased wear
- Lightweight
- PORON inner soles for exceptional comfort
- Wide Steel Toe Caps
- Full Length Tongue
- Certified to AS/NZ 2210.3
- Oil & Heat Resistant Sole
- Padded Collars

BISHOP BROTHERS NATIONWIDE

everything for industry... www.bishopbros.com.pg Email: sales@bishopbros.com.pg

Mosbi lukim nupela bas sevis

Nicky Bernard i raitim



PIKAP: Nupela ol PMV bas we bai ron i go kam long ol rot long Mosbi siti i go het pinis long wok bilong ol aste. Poto: Nicky Bernard



TENKYU SIGI: Ol nupela PMV bas bilong NCDC we i ron long Mosbi i gat 4-pela sekyuriti gad i stap long ol. Poto: Nicky Bernard

TUDE ol wok manmeri long Mosbi Siti bai lukim nupela bas sevis.

Dispela bas sevis bai gat 10-pela bas em Mosbi Samba bilong Komasa na Indastri na Lo na Jastis Sekta bilong Nesenel Kapitel Distrik Komisen projek bilong Yumi Lukautim Mosbi Projek i ronim.

Dispela sevis i kam aninit long lukaut bilong Nesenel Kapitel Distrik Komisen yet.

Gavana bilong Nesenel Kapitel Distrik long taim bilong lonsing bilong sevis long aste i tok ol bai givim wanpela mun fris sevis long ol pasindia na bihain long dispela bai sasim ol.

Ol wok manmeri husat i soim ID kad bilong wok bai kalap long dispela ol bas.

Long ol moning as bai stat ron long hap pas siks (6:30) na pinis long hap pas nain (9:30) na long avinun bai stat long hap pas tu (2:30) na pinis long seven kilok (7:00).

Mista Parkop i tok dispela ol bas bai mekim isi long ol meri na pikinini long kalap long en long wanem ol save resis long olgeta morning na avinun long taim bi-

long kam long wok na skul.

"I tambu tru long kaikai buai, smuk na kaikai insait long dispela pablik bas, yu spak man tu bai no inap kalap long dispela bas" Gavana Pakop i tok.

Pakop tu i tok, sapos ol i painim kampani o man bilong lukautim dispela bas, em bai givim tu ol dispela skul bai i go sem kampani o sem man long lukautim.

Ol dispela 10-pela bas bai ron i go long Gerehu, 4 Mail, Taun, Tokarara, 7 Mail, Waigani Draiv na Konedobu.

Ol bas em Siti Kansol long Brisben, Australia i givim kam long NCDC.

Em i tok ol bas i kam bihainim tupela yia toktok namel long ol na Brisben Siti Kaunsil.

Ol bai holim olsem 70 pasindia we bai gat draiva, wanpela man husat bai lukautim ol pasindia (atenden) na foapela sekyuriti.

Ol pasindia bilong dispela ol bas bai mas bihainim olgeta lo bilong pablik helt na pablik sefti lo.

Sapos ol lukim pasindia i no bihain lo ol sekyuriti i gat rait long rausim ol i go daun na bai gat taim bilong sekim ol pasindia long samting ol i karim.



Tok-orait long 2010 Sensus Kwestenia

WANPELA bodi long mekim disisen long antap posisen stret, em Inta-Dipatmentol Sensus Komiti i bin tok-orait (endorse) long 2010 Nesinol Populesin na Hausing Sensus kwestenia insait long miting bilong en long Loloata Risot autsait long Mosbi long Tunde.

Dispela i min olsem ol sensus kwesten insait long kwestenia o fom em fainol na bai igo long wanpela printa long prinin na ol bai yusim long bikpela kaunim bilong sensus.

32-pela kwesten olgeta i stap insait long dispela kwestenia o fom long pulumapim.

Ol dispela kwesten em long nambawan taim tru em ol sensus Yusa Edvaisori Komiti bihain long ol i toktok long en na i testim long fil.

Ol lain insait long UAC em ol lain husat bai yusim sensus infomesin, em ol bikpela gavman dipatmen olsem helt, edukesin, komyuniti developmen, agrikalsa na Nesinol Risets Institiut (NRI).

Nambawan kwestenia em ol i traim nambawan taim long Kupiano na Gavuone insait long Abau Distrik bilong Sentrol provins na namba-2 pri-tes i bin kamap long Lae Eben na Markham distrik insait long Morobe provins.

Ol sampela moa kwesten ino go wantaim 2000 sensus em ol kwesten we i toktok long nupela pikinini mama i karim, ol nupela pikinini mama i karim na indai, ol wok stretim long sait bilong rit na rait na wane mol samting ol manmeri save yusim long ples ol i stap na slip-kirap long en.

Listing eksesaiss bilong sensus nau i kamap long olgeta hap long kantri.

Ol fil ofisa long ol wod na ol lain insait long komyuniti i stap insait long wok bilong listing eksesaiss long kisim nem bilong wan wan ol haus na ol famili memba insait long ol dispela wan wan haus.

Listing eksesaiss em bikpela samting tru long lukim gutpela sensus i kamap. Taim wok bilong listing i pinis, Nesinol Statistikol Ofis bai lukautim wok bilong sensus, na ol bai save long namba tru na hamas lain long kisim long wok olsem sensus wokman-meri na hamas sensus fom long prinin na bai salim igo long wan wan provins long karimaut wok sensus.

Sensus em bikpela samting tru insait long nesinol kalenda na Nesinol Statistikol Ofis i singaut igo long olgeta manmeri long kantri long givim olgeta sapot ol i ken long karimaut dispela listing eksesaiss.

22 sumatin insait long NCD skul i kisim sik kolera

Veronica Hatutasi i raitim

I KAM inap aste, 22 sumatin long 12-pela praimeri skul insait long Nesenel Kapitel i kisim marasin long saspek sik kolera.

Ol saspek keis long sik kolera min olsem olgeta sainmak i stap long dispela sik olsem em i kolera na man i kisim tritmen, tasol haus sik i no wokim laboretori tes long pekpek bilong ol long kisim konfemesen.

Nau, strongpela edukesen awenes wok long daunim sik kolera i kamap nau long ol skul insait long Nesenel Kapitel Distrik, na i no bilong pasim ol skul yet, Asisten Edukesen Sekreteri insait long NCD, Tau Nauna i tok.

Mista Nauna i tok tu olsem ol i pasim ol maket long skul we ol mama i save salim ol wara,

kodiel, aisblok na ol narapela kaikai bikos sik i kamap pinis long ol skul na ol iu laik stopim i kalap i go long moa sumatin.

Em i tok ol i askim ol papamama long redim ol kaikai na wara long lans bilong ol pikinini bilong ol.

Em i tok tu olsem opis bilong em i putim strongpela toktok i go aut long ol Skul Bot Menesmen long lukim olsem ol toilet long ol skul i mas stap klin na wara i ron olgeta taim long ol skul.

Ol skul we kolera i kamap long ol em, Hagara Praimeri i gat tripela (3), Waigani (3), Bavaroko (2), Tatana (2) na wan wan long Evedahana, Koki, Kaugere, Wodstrip, Gerehu, Niu Erima, Ted Diro na Sekret Hat.

Mista Nauna i tok i no tingting bilong ol long pasim yet ol skul

tasol ol i karimaut ol awenes long stopim sik i kalap i go bikpela long ol skul.

Mak we ol i lukim na salim ol sumatin long kisim helpim long haus sik em long traute na pekpek wara.

Mista Nauna i tok ol i givim auto i pamphlet o pepa i gat ol toktok long luksave long dispela sik, wanem samting long mekim, rot bilong abrusim dispela sik, wanem hap man ni kisim sik i ken go logn em long kisim tritmen na ol narapeal helpim toktok moa.

UNICEF i givim aut 2,000 kopi long ol kolera awenes pamphlet o pepa we ol i tilim i go aut long ol NCDC skul long dispela taim.

Ples long salim ol manmeri na pikinini i kisim sik kolera em Sen John's klinik long Gerehu

insait long NCD.

Mista Nauna i tok EdukeseneDipatmen i wok long redim wanpela sekula long salim i go aut long ol skul long kantri na NCD. Dispela sekula bai i go aut long ol skul menesmen bot, ol tisa na ol papamama long givim auto i toktok long gutpela haijin na tu, was na redi gut bilong mekim wanem samting na i gat ol plen long daunim sik kolera.

Em i tok ol skul inspekta i go aut long wanwan skul na kisim ripot long sik insait long ol skul long NCD.

Mista Nauna i tok ol i mekim wok painimaut long ripot bilong wanpela sumatin long Koki Praimeri skul i dai long sik kolera, tasol ol ripot i kamap tu olsem sumatin i dai long sik malaria.

KIKSTATIM DEI WANTAIM



‘Polisman’ stil long City Mission

WANPELA man husat i werim polis yunifom i bin go long City Mission long Mosbi wantaim narapela tripela man na i holim ol wantaim gan na stil.

Jenerel Menesa bilong City Mission, Pasto John Reesink i tok dispela 4-pela man i no luk olsem raskol.

“Ol i bilas gut, katim gras, pes bilong ol i klin na wanpela bilong ol i werim yunifom bilong polis.

“Ol i holim tupela gan na i kam stil,” Pasto Reesink i tok.

Dispela birua i kamap namel long 12:30pm na wan kilok (1pm) long las wik Trinde.

Plantil ol bikman i bin go long belo

na wanwan wokmanmeri tasol i bin stap long opis taim dispela hevi kamap.

“Mipela i bilip ol i mas sidaun na wet i stap na taim mipela i lusim opis nau ol i kam na holim wanwan husat i stap na stil,” Pasto Reesink i tok.

Ol raskol i kisim 4-pela komyuta bilong wok, 7-pela mobail fon bilong ol wokman na K600 Mission i kisim long fanresing long Media Expo long wik bipo.

“Mipela i nogat mani long hia, mipela i save stap tasol long lukautim ol mangi na yut husat i nogat ples long stap na i gat hevi long laip bilong

ol,” Pasto Reesink i tok.

“Dispela K600 i kam long wok mipela i mekim long salim ol bret, sosis na dring long Media Expo long stedium tasol mipela i holim i stap long mekim sampela wok gen,” em i tok.

Pasto Reesink i bilip ol raskol i mas tingim fotnait na i laik stilim pe bilong ol wokman tasol em i tok ol i mekim bikpela asua.

“Olgeta wok bilong stretim pe i save kamap insait long kompyuta na i go stret long benk, mipela i nogat mani long opis,” em i tok.

Wanpela wari tasol bilong Mission

em ol komyuta we i lus.

“Olgeta wok na ripot bilong Mission i stap insait long dispela ol komyuta na mi laik askim dispela ol lain sapos ol inap long kisim i kam bek, mipela no inap askim ol wanpela samting.

“Mi save ol no inap kisim mani kam bek tasol mipela i laikim ol komyuta bilong wanem olgeta bikpela wok na ripot i stap insait long en,” Pasto Reesink i tok.

Em i tok, Digicel tasol i helpim ol wantaim 4-pela nupela mobail fon bilong opis.

Ol i ripotim dispela hevi long polis tasol polis i tokim ol long ratim wan-

pela ripot tasol na givim ol.

Dispela hevi bin kamap long wankain taim we bod bilong City Mission i laik holim bung bilong ol.

Man husat i bin kamapim Mission, pasto Larry George i bin stap tu dispela taim.

City Mission i stap 16 yia pinis long Mosbi na dispela em i namba wan taim bilong kain pasin i kamap long ol.

Husat i ken helpim City Mission wantaim komyuta, mani o mobail fon i ken ringim pasto Reesink o City Mission-Koki Menesa, Felix Maraudje long 320 0166.

PNG nogat Disasta Plen

Michael Novingu i raitim

PAPUA Niugini i nogat Disasta Plen long karimaut wok long helpim ol manmeri taim disasta o bagarap i kamap.

Bosman bilong Disasta Opis long Papua Niugini Martin Mose i tokim lonsing bilong Nesinel Agrikalsa Rises Institiut (NARI) draught projek long Lae las wik olsem opis bilong em i nogat plen bilong disasta longlukim na karimaut wok.

Sif Sekretari bilong Gavman Manasupe Zurenouc, em i ges spika i tokaut tu olsem nogat plen bilong disasta bai mipela i bihain long givim helpim long ol manmeri taim disasta i kamap.

Mista Zurenouc i tok long dispela as Gavman i no save hariap long givim helpim long wanem nogat luksave, na wok bung wantaim ol arapela lain i save givim helpim.

Em i tok mipela i mas kirapim disasta wok komiti plen long bai

mipela i save husat bai mekim dispela wok.

Mista Martin Mose i tok kirapim wok komiti na disasta plen bilong Papua Niugini i bikpela samting long helpim ol manmeri long taim nogut.

Long wankain taim Gavman bilong Morobe Provins Luther Wenge i tok Morobe Provinsel Gavman bai givim K1 milen long wokim nupela agrikalsa rises senta long Buba, Morobe provins.

Bogenvil ileksen i ron gut tasol

Veronica Hatutasi i raitim

OTONOMES Bogenvil Gavman (ABG) jenerel ileksen i go gut tasol wantaim 132,000 manmeri i nap long vot i rijista long komon rol long makim ol lida bilong ol nau.

Taim bilong vot i bin stat long las wik Fraide Mei 7 na bai pinis long neks wik Fraide, Mei 21.

Bogenvil Ileksen Ritening opisa George Tarala i tok em i amamas long ron bilong vot long olgeta hap bilong ailan we i go gut tasol wantaim nogat hevi o bagarap o meknais i kamap.

“Olsem rijinel Ritening opisa, mi amamas long tokaut olsem ileksen long olgeta hap bilong ailan i ron gut tasol. Gutpela wok bung wantaim i kamap namel long ol vota, ol kendidet, ol skrutinia o man i putim was long vot i ron gut na ol ileksen opisa. Nogat bikpela hevi olsem stilim o bagarapim ol balot bokis,” Mista Tarala i tok.

Voting long Not Bogenvil em long Buka Ailan bai i pinis tude, 5-pela de tasol bihain taim bilong vot i bin stat long las wik Fraide. Tasol long Sentrel na Sait Bogenvil, voting i wok long go het yet.

“Ol tim long not Bogenvil i bin statim wok long vot long las wik Fraide taim long Sentrel na Saut i bin stat long dispela wik Mande. Long Fraide, ol tim long Sentrel na Saut i wok long karim ol ballot bokis na ol narapela samting bilong vot i go long ol wan wan eria ol i beis long em. Ol laspela eria long Buka bai pinisim wok tude em long wes kos olsem long Nova, Lemankoa na Eltupan,” Mista Tarala i tok.

Long taim bilong laspela ABG vot, kaunim bilong ol manmeri husat inap long vot i bin stap long 120,000. Tasol mak i go antap long 132,000 bikos moa pipel i stap long ol eria we ol Me'ekamui i lukautim i kam ausait na rijistaim nem bilong ol.

“Panguna na ol narapela eria we Me'ekamui i kontrolim i op pinis na pipel i bin putim men bilong ol long komon rol. I gat ol kendidet i kam long Me'ekamui na mi amamas long tok olsem olgeta grup na lain long Bogenvil i wok bung gut wantaim long dispela ileksen,” Mista Tarala i tok.

Long wankain taim, ol Bogenvil pipel i stap long narapela hap bilong kantri na moa yet, long Nesinel Kapitel Distrik, Morobe na Is Nu Briten provins i gat sans long vot long ol lida bilong ol.

Elektorel opis hetkota long Mosbi i tok olupela Yot Klab long taun, arere long bris o wof em ples we ol i makim long Bogenvil komyuniti long Mosbi i vot long em. Opis i tok stat yet long dispela Mande, planti Bogenvil lain long siti i wok long go long dispela hap long vot. Ol i makim tu wan wan hap long Lae na Kokopo, Is Nu Briten long Bogenvil komyuniti long hap bilong go long ol long vot. Vele Rumana long Top Taun em ples we Bogenvil komyuniti long Lae bai vot long en taim Nupela Kokopo maket em ples we Bogenvil komyuniti long Niugini Ailans rijen olsem long Is na Wes Nu Briten, Nu Ailan na Manus i ken go na vot long em.

Long mun Jun dispela yia, ol pipel bilong Bogenvil bai save long ol lida bilong ol na moa yet, husat i presiden bilong ol.



National AIDS Council

P.O. Box 1345, Boroko, NCD, Papua New Guinea
Telephone: 3236161 Facsimile: 3231619 Web: www.nacs.org.pg



Askim long Tenda

Mande, 28th Epril, 2010
Tenda Namba 2010/01

Fainens Menesmen Wok bilong Nesinel AIDS Kaunsil Sekreteriet (NACS)

Nesinel AIDS Kaunsil i wok askim husat ol kampani o rejistet akaunting sevis provaida long Papua Niugini long givim ol Ekspresen ov Intares long karimaut wok fainensal menesmen wok bilong NACS. Wok bilong pinisim dispela wok nau bai kamap long tripela hap:

HAP NAMBA WAN:	Rikaren Baset
HAP NAMBA TU:	Developmen Baset
HAP NAMBA TRI:	Prokiumen na Lojistik

Tems ov Refrens
Pastaim, bai yu mas bosim operesenal menesmen bilong NACS Rikaren Akaun (NACSRA) bai em i ken mekim olgeta wok na givim olgeta ripot bilong en olsem:

- (a) Indipenden monitoring, glasim na kontrol bilong NACS Rikaren Akaun ekspendisa,
- (b) Fainensal menesmen kapesiti biling bilong ol wokmanmeri bilong NACS i menesim o wok lukautim Rikaren Akaun;
- (c) Bikpela rivi na ol asesmen ripot, na ol lain aitem level akaunting ripot long ekspendisa o mani i go aut aninit long NACS Rikaren Akaun.

Sapos namba wan hap (Rikaren Baset) wok i ron stret, apliken husat i kisim dispela wok bai gat sans long namba tu hap (Developmen Baset) na bihain wok bilong prokiumen long bihain.

Tems ov Refrens bilong ol dispela wok na moa tok klia i stap. Yu ken sekim long NACS websait: www.nacs.org.pg o ringim Mis Rosa Tolewa long 323 6161 ekstensen namba: 212.

Ol kampani husat i gat laik long dispela ol wok i mas givim aplikesen we i bungim stret ol dispela samting:

- Evidens i soim olsem Kampani em i tru tru kampani na i gat rejistresen
- Kampani i mas gat rejistresen wantaim Akauntens Rejistresen Bod
- Ol wokmanmeri bilong dispela kampani i mas gat inap long 5 yia ekpiens o woksave insait long pablik sekta fainensal menesmen na PFMA
- Ol wokmanmeri i mas i gat save long wok menesmen
- Ol wokmanmeri i mas stap olsem Asosiet Membre bilong CPA PNG.

Ol aplikesen bai pas long **31, Mei, 2010**. Makim bilong kampani i win long mekim dispela wok bai kamap long **30 Jun, 2010**, na wok bai kirap long **1, Julai, 2010**.

Long kisim moa toksave, plis ringim Mista Rod Mitchell, Siaman bilong NAC Fainens Komiti, long telepon namba 325 8148 o salim email i go long em long rodmitchell@nasfund.com.pg

Se Michael mas stretim sampela ol samting i no stret yet

SAPOS yu no bin lukim Se Michael Somare i toktok long EMTV siks kilok nius las wik taim ol pipel i bin mas isi isi go long palament, ating yu laki long yu no lukim dispela kain piksa we Honorabel Praim Minista i bin givim long pablik.

Long moning, em i rausim Atoni Jeneral taim em i hatim em insait long gavman kokas miting na semim na rausim em i go aut na tokim em long givim resiknesen notis long em bihain.

Mipela askim sapos Se Michael i ken tingim dispela de we Se Mekere i bin rausim em taim em i bin kamap long Jacksons intanesenel ples balus bihain long em i kam bek long ovasis raun bilong em olsem Foren Minista na Se Mekere i bin praim minista. Sif i bin kompletru olsem em i wanpela rabis na sem pasin tru Se Mekere i mekim long wanpela sinia stetsman na bipo praim minista. Nau, Sif i mekim wankain long wanpela lida bilong ol Tolai pipel, maski ol Tolai pipel i save givim bikipela luksave tru long Sif yet.

Namba wan samting, Se Michael i mas luksave olsem taim em i wok olsem PM, em i wanpela pablik opisal husat i mekim wok bilong pablik insait long pablik opis em i sindaun long en. Astingting na wok bilong dispela wok olsem pablik opisal em long luksave long ol arapela pablik opisa holda, na givim gut luksave long ol, maski ol i no wanbel wantaim yu na autim tingting bilong ol long praivet o long pablik.

Taim em i rausim Dokta Allan Marat long wok minista, PM i lus tingting olsem em i wok bosim wanpela kantri ol i kolim Papua Niugini, na i no wanpela famili o praivet kampani bai em i ken strongim pasin em i mekim long Marat.

Bihain, tok klia Se Michael i givim long as long em i mekim olsem long Marat em bikos mipela i gat wanpela Wesminsta sistem bilong gavman we disisen bilong kabinet em i bikipela tok, na i nogat wanpela member i ken tok daunim dispela disisen, bikos strong bilong kabinet em i bikipela samting tru. Dispela i nogat gutpela astingting bilong en.

Dispela em i PNG, we i gat moa long 800 tokples hauslain na kalsa na yumi mas luksave olsem kain kain manmeri bai gat kain



kain we bilong mekim samting na toktok. Moa yet, dispela em i wanpela strongpela demokrasi we i gat rot i stap bilong ol wan manmeri long autim tingting bilong ol na ol i noken pret long ol arapela biklain. Wankain tu, ol biklain i mas givim rot long ol liklik lain long autim tingting bilong ol.

Yumi no inap bosim dispela kantri olsem diktetasi aninit long lukaut o tok orait bilong ol memba bilong palamen tasol, olsem dispela ol Maladina Amenmen we i kamap long lukautim ol memba yet, na i no bilong strongim gutpela sindaun bilong olgeta manmeri.

Mipela i lukim tu Sif i kamap long EMTV nius we em i tok, "mipela em ol ilektet memba" na "husat i votim ol" taim em i toktok long ol lain i bin mas i go long palamen.

Mipela mas tokim praim minista, olsem, ol dispela lain husat i bin mas i go ausait long palamen em ol vota na ol em ol pipel husat bai vot gen long makim em long 2012. Ol em ol pipel husat i ilektim em na ol wanwok bilong em long 2007 bai ol i holim pablik opis inap 2012.

Em i mas tingim tu, olsem ol pipel i no bin votim em long kamap praim minista. Olsem na mipela i askim PM: "Husat i votim yu kamap Praim Minista?" I no mipela.

I gat planti ol samting i no stret yet we gavman nau i mas stretim kwik pastaim long ileksen yia long 2012.

Namba wan bikipela samting em dispela ol LNG hevi we ol papagraun i wok long brum i kam long Mosbi long kisim mani gavman i bin tok promis long givim ol long Kokopo aninit long Benefit Sering Agrimen (BSA).

Tasol mipela i harim liklik toktok olsem planti mani em ol i rausim pinis, na i nogat rekot i stap long Dipatmen bilong Petroleum na Eneji (DPE) long soim rot mani i go long en, na husat i kisim. Bihain, mipela ritim long niuspepa olsem Sinia Menesmen long DPE i pasim opisa na ronawe long bel-

hat bilong ol papagraun husat i traim long brukim dispela opis. Poto i kamap long niuspepa i soim olsem opis bilong sekreteri, em ol i lokim wantaim wanpela bikipela lok. Wanem kain we tru long lukautim kantri ya?

Sif i mas givim oda long ol Minista i bosim DPE, Plening na Rural Developmen, IPBC na Fainens na Plening long kamapim wanpela klia na isi akaunting sistem long tilim wanem hap mani bilong BSA i stap yet.

Ol niuspepa toksave long ol wik i go pinis i soim olsem sampela hap mani ova K198 milion i go aut pinis, tasol i gat planti papagraun i stap husat i laik save husat tru i kisim ol dispela mani.

Tasol ating i no asua bilong gavman tasol. Yu traim lukluk long sampela ol dispela ol "papagraun"!

Ol wanem kain lain tru! Ol man mipela i save lukim wokabaut raun na kolim ol yet olsem ol papagraun em sampela ol pipia man i karim nating brifkes na sindaun stap ausait long Vulupindi Haus long san i go nait, na san gen, long wetim ol sekmani bihain long sabmisin bilong ol i go long ol gavman dipatmen. Dispela em ol giaman konsalten na wanlain bilong ol yet insait long wan wan dipatmen i wok mekim long kisim liklik sait mani tu. Na taim dispela i wok kamap, yu bai lukim olsem olgeta manmeri bilong ol LNG provins i wok long pulap kapsait i kam insait long Mosbi.

Mipela ting i mas i gat sistem we DPE, bihain long ol i kisim ol aplikesen i kam long ol papagraun, i mas advataisim ol dispela aplikesen insait long ol niuspepa, na ol lain i salim ol dispela aplikesen, em nem na adres bilong ol i mas stap ples klia bai kantri i save husat tru i aplai long kisim ol dispela mani. Nau yet, dispela wok i olsem ol lain i salim tiket long hos resis ples long Mosbi.

Dispela LNG projek, em ol i hariapim bihainim wanpela detlain ol investa yet i bin givim, na mipela kalap bihainim ol tasol, na gavman na ol papagraun i wok paul i go kam i stap.

Em i klia olsem i nogat gutpela wok i bin kamap long en. Olgeta ol papagraun i gat hevi i wok traim kisim kompletru bilong ol i go

long kot, tasol em i no ples bilong stretim ol hevi bilong ol.

Gavman i no laik tingting gut na sanapim wanpela Spesol Komisin long stretim ol dispela kain hevi, bai em i ken strongim dispela wok. I luk olsem wanpela moning, PNG i slip na kirap, na ol i tokim mipela olsem mipela i gat wanpela bikipela LNG projek long kantri. Em i no we bilong lukautim kantri na mekim ol bikipela disisen olsem wanpela independen kantri. Na dispela paipain we bai bikipela infrastraksa long kantri, em i no stap long nem bilong PNG. Nogat tru. Em i bilong nara-pela man ya.

Long luksave bilong mipela, LNG projek i bihainim pasin bilong dispela kantri we em i wanpela sotkat we bilong mekim samting. Na ol lain i go pas long mekim wok i nogat inap save, tasol ol bai no inap tokaut stret.

Mipela save pasim ai tasol na kalap long wara, wantaim bilip olsem bai mipela i kamap long sampela hap long wara yet.

Yumi save toktok long transparensi na akauntabiliti, tasol mipela i no save bisi long ritim ol ripot bilong Odita Jeneral olgeta yia we em i save tokaut long planti ol paul pasin i stap long pablik mani.

Na nupela Atoni Jeneral, ating yu mas kirapim wok bilong yu nau, na namba wan samting yu mas mekim em long makim wanpela independen odita olsem Coopers, KPMG o wanpela i kam long ausait long lukluk na stretim menesmen bilong opis bilong Pablik Kureta.

I gat planti hauslain na famili bilong ol manmeri i dai pinis i wok wetim yet Pablik Kureta long pasim ol kes na givim bek ol samting olsem graun na haus, tasol nogat. Ol dispela samting, ol i save salim na mani save lus nating, na i nogat rekot long dispela wok. Yumi wok long stil long ol daiman nau? Em i wankain olsem yumi digim rausim matmat, brukim kofin bokis na stil. Yumi wanpela kantri bilong ol stilman stret!

Na nau yumi lukluk long ol eksevisman bilong yumi i wokabaut raun long rot na wetim ol entaitolmen bilong ol. Gavman i wet 10-pela yia long tokim ol olsem ol i nogat entaitolmen bihain long ol i lusim Difens fos.

Watpo na gavman i no laik tokim ol taim ol i failim ol kes bilong ol long kot? I luk olsem ol

wanpela lain tasol i mekim mani long dispela hevi em ol loya man husat i makim ol dispela turangu eks soldia.

Kot yet i bin karim bikipela hevi wantaim ol dispela kot kes, na i nogat gutpela kaikai bilong en. Bihain, long las mun tasol, gavman i tokim ol long go bek long ples, bikos ol i nogat entaitolmen bihain long ol i lusim difens fos.

Na tu, dispela Moti hevi i stap raun yet. Dispela Moti hevi em mipela i kisim long Australia Federal Polis. Polis bilong yumi na Pablik Prosekyuta Opis i no laik tok nogat long askim i kam long Australia Federal Polis long arestim Moti taim em i kamap long Jackson's Ples Balus na i laik go long Solomons. Em i klia olsem namba wan, Moti i no brukim wanpela loa bilong PNG, na namba tu, taim mipela i arestim Moti long intanesenel transit launs, mipela i nogat rait aninti long loa, long sasim em.

Olsem na long wanem as tru na polis bilong yumi i go het na holim pasim Moti, mipela i no save.

Na dispela bikipela Moti inkwairi na mani ol i yusim long kirapim, em i lus nating. Na ol tok daunim inkwairi i givim long Sif i nogat as bilong en tu. Tasol, yumi no inap tok olsem gavman i mekim samting stret long dispela hevi.

Opis bilong praim minista i bin pundaun i go kam taim em i tok em i no go pas long karim Moti long helikopta i go long Solomons.

Mipela i ting long dispela na nem bilong yumi i bagarap.

Yumi no laik tokaut stret olsem mipela i karim dispela man i go aut long kantri bikos em i no brukim wanpela lo bilong mipela, na tu, mipela i rong long arestim em long intanesenel transit launs.

Na nau mipela i stap yet wantaim Fainens Dipatmen Inkwairi, we gavman i no stretim yet.

Sore tru, yumi wok long kalap long wanpela hevi i go long nara-pela hevi, na yumi nogat inap taim long stretim wanpela hevi pastaim long narapela i kamap.

Bai yumi tok wanem? Olgeta masin bilong gavman i no wok stret long kamapim gutpela wok gavanens. Yumi wok long bihainim 'PNG stail' long mekim wok.

Sabina

Sir Michael must take action on outstanding matters

IF YOU didn't watch Sir Michael Somare on the EMTV six o'clock news on the day of the peaceful march to parliament, then you were lucky because you were spared an awful spectacle that the Honourable Prime Minister conveyed to the public.

Obviously, that morning, he had sacked his Attorney General when he sighted him in the government caucus meeting and ordered him out of the meeting in a most undignified way and telling him to deliver his resignation notice the following day.

We wonder if Sir Michael can remember the day he was sacked by Sir Mekere the moment he arrived at Jackson's International Airport from his overseas trip as the Foreign Minister and Sir Mekere was the Prime Minister then. Obviously, the Chief complained that that was the most undignifying thing that Sir Mekere did against a senior statesman and former prime minister. And the Chief has done exactly that to a Tolai leader and despite the fact that the Chief is well respected by the Tolai people.

First of all, Sir Michael must appreciate that when acting in his capacity as the PM, he is a public official exercising a public function by virtue of the public office that he is occupying. The essence of that role as a public figure is to respect other public office holders and treat them with dignity even if he disagrees with their views expressed either privately or publicly. What the PM forgot when he sacked Dr Allan Marat the way he did, was that he is running a country called Papua New Guinea and not a family or private organization to justify himself and the way he acted towards Marat.

Sir Michael's subsequent explanation that because we have a Westminster system of government where a cabinet decision is final, no one member can publicly criticise that decision in favour of cabinet solidarity, is not convincing enough.

This is PNG where there are over 800 language groups and cultures and we must appreciate that different people would do and say things differently. Most of all, a thriving democracy is where there is room

for the minority to air their views and speak their minds without any fear or favour from the majority, and the majority must make room for that.

We cannot run a country by a form of dictatorship by the so called majority of elected members, especially in matters like the Maladina Amendments which are self-serving and do not protect the common good.

We also watched the Chief's statement on the EMTV news that afternoon that he kept saying, "we are elected members" and "husat votim ol" meaning the people who partook in the demonstration.

We must remind the prime minister, that those people who were demonstrating outside parliament were and are the voters and they are the people who will vote again for him in the year 2012. They are the people who elected him and his colleagues in the year 2007 to hold public office until 2012.

He must also remember that they never voted for him to be the prime minister, so let us ask the PM: "Who voted you in as the Prime Minister?" We didn't.

There are many outstanding issues which the present government must sort out before the election year.

The most pressing one is the present LNG fiasco where all the landowners have moved to Port Moresby to access funds promised by the government in Kokopo under the Benefit Sharing Agreement (BSA). However, we are told that most of that money has been accessed and there are no records in the Department of Petroleum and Energy (DPE) to show how the money was spent and who benefited. For some time, we read in the dailies that the Senior Management in DPE had closed the office and fled from the wrath of the landowners who had tried in vain to ransack that office. The picture that accompanied the story in the papers also showed the Secretary's office bolted with a heavy padlock. What a way to run a country!

The Chief must give directions to the Ministers for DPE, Planning and Rural Development, IPBC and Finance and Planning to put in place a transparent and workable

accounting system to disburse what is left of the BSA funds.

Press statements in the last few weeks indicate that some funds over K198 million had been paid out, but many landowners are asking who had received those funds.

Actually, no one in his right mind should cast blame solely on the government. Take a look at these so called, "landowners"!

They are quite a sight! The guys we see walking around calling themselves landowners are a bunch of unruly hooligans sporting briefcases and squatting outside Vulupindi House day in and day out, waiting for that elusive cheque after their submissions having been forwarded to the Departments via their unscrupulous consultants and their associates within each department in return for commissions. And whilst this is going on, you can notice how the population from the LNG province has poured into Port Moresby.

We suggest a system whereby the DPE should, after receipt of landowner applications, advertise those applications in the daily newspapers, and the principals behind those applications should have their names and addresses revealed so that the people will know who have applied for those funds. right now the whole thing is conducted like someone selling tickets at a horse racing outlet in Port Moresby.

The whole LNG Project was rushed through to meet a certain deadline forced on the country by the investors, and we simply hopped on the bandwagon and in that manner, both the government and the landowners were taken for a ride.

It is obvious we never did any ground work. All the aggrieved landowners tried to take their complaints to the court house, but that was a totally wrong forum to handle their complaints. The government should have set up a Special Commission to facilitate this fiasco and that way, give the project a sense of reality about it. It so happened that one morning, when PNG woke up from sleep, we were told that we now have a major LNG project in the country. Is this how a country is governed and is that how major de-

cisions should be made by an independent nation. We do not even own the entire pipeline which is a major infrastructure in the country.

In our view, the LNG Project simply followed the basic trend in this country and that is the "ad hoc" manner in which we do things around here, by people who do not have the expertise and who will not admit that lack of skill.

We simply close our eyes and take a dive, hoping that we would surface somewhere in the pool.

We talk about transparency and accountability, but we do not even bother to read the Auditor General's Reports each year about the rampant misuse of public funds. And for the new Attorney General, we suggest that he immediately moves in, and the first thing he must do is to appoint an independent auditor like Coopers, KPMG or one brought in from overseas to look into the management of the Public Curator's Office. There are many relatives and families of the dead still out there waiting for the Public Curator to close their cases and hand over to them what funds have been realized and return certain assets like land and buildings, but these get sold and the funds are stolen and there are no records of what happened. Are we stealing from the dead as well? Is that not like digging up the grave yard, breaking open coffins and stealing? We are one sick nation of thieves!

And now look at our ex-service-men on the street waiting for their entitlements. It took the government over 10 years or more to finally tell them that they are not entitled to anything. Why was this not communicated to them the day they filed their cases in court? It would appear that the only people who benefited from this prolonged court battle were the various lawyers who acted for these unfortunate souls who had to scrape together what they could to fight their cases. The court was over-burdened with these cases and it was obvious that they were not getting anywhere. Then only last month, there were told to go home, because they are not entitled to any benefits after leaving the force.

And, then there is also the Moti Affair, which has not quite left PNG



shores. this whole Moti saga, is one unfortunate matter that we inherited from the Australian Federal Police. Our own Police and the Public Prosecutor's Office should have declined the request by Australian Police to arrest Moti when he landed at Jackson's Airport on his way to the Solomons. It is common sense that firstly, Moti never broke any laws of PNG, and secondly, when we arrested him at the international transit lounge, PNG had no jurisdiction base to arrest him.

One can safely say that Moti never broke any PNG laws and most importantly, he was never legally present in PNG. On what basis our police went ahead and arrested Moti, one cannot tell.

Thus, the whole Moti inquiry and the funds spent was all wasted money. And then the flack the Chief was handed out by the Inquiry is further insult on the Prime Minister without any legal basis. However, having said that, we cannot say that the government conducted itself honourably in the whole saga.

The PM's Office blundered all the way by denying that they were responsible for Moti's trip by chopper to the Solomons.

It is our view that that is where we lost face.

we ought to have simply told everybody that we flew the guy out of PNG because he never broke our laws and secondly, he ought not to have been arrested at the international transit lounge.

And then we have the Finance Department Inquiry, which has yet to be attended to by the government. It is rather sad that we seem to be going from crises to crises and hardly have the time to solve one problem before another one surfaces.

Well, all we can say is that the entire machinery of government is not operational in the manner conducive to good governance. We are doing it 'the PNG way'.

SABINA

"Leaders in Superannuation"

THE NATIONAL SUPERANNUATION FUND OF PAPUA NEW GUINEA

Transparency

Accountability

Social Awareness

Reform

Integrity

Service

Text Bal

Commitment

Governance

"Working hard today, saving for tomorrow"

www.nasfund.com.pg

Call us on: Port Moresby 325 9522 * Alotau 641 0162 * Buka 973 9050 * Goroka 732 1089 * Kavieng 984 1599 * Kimbe 983 4114

* Kokopo 982 8730 * Lae 472 4633 * Madang 852 1835 * Mt. Hagen 542 3145 * Popondetta 329 7400 * Tabubil 548 8091 * Wewak 856 1010

www.baha.com.pg
MEMBER

Pipel long siti na Sentrel provins i kisim sik kolera

MAK long sik kolera we ol helt atoriti insait long Mosbi siti na Sentrel provins i gat ripot long em i sanap nau long 226.

Dispela em ol lain i go long ol haus sik na kisim marasin na helpim long ol dokta na nes.

Mak long ol dispela i dai wantaim sik kolera long NCD na Sentrel provins i sanap yet long 5-pela pipel, olsem long las wik yet.

Man i go pas long Nesenel Kolera Task Fos, Dokta Timothy Pyakalya i tok i tok moa pipel wantaim sik i wok long kam long Hanuabada na Elevala. Na liklik lain long ol narapela hap.

Dokta Pyakalya i tok long Mosbi siti, sik i stap pinis long olgeta hap bilong siti. Wanwan man wantaim dispela sik i kisim

marasin i kam long 8 na 9 Mail, ATS, Not Waigani, Waigani, Gerehu, Magi haiwe, Kilakila, Gabutu, Roku, Tatana na moa long Hanuabada na Elevala.

Em i tok man i ken dai namel long 2 na 7-pela awa taim sik kolera i kisim em, tasol sapos ol i karim em i kam long haus sik hariap, em bai orait. Em i tok nogat man i slip long haus sik long kisim dispela sik, tasol ol i kisim marasin na stap aninit long was bilong ol dokta na nes. Na taim ol i lukim olsem ol i orait, ol i salim ol i go long hais bilong ol.

Long dispela 217 pipel i kisim marasin long sik kolera, 217 em ol i kam long NCD na 9-pela long Sentrel provins.

Task Fos i karimaut ol wok

awenes bilong stopim sik i kalap i go moa long siti, Hanuabada na Elevala na ol arapela ples long Sentrel provins we sik i kamap long ol.

Insait long wanpela bung wantaim ol niuslain we Helt Minista Sasa Zibe, NCD Gavana Powes Parkop, Wol Hel-tOgenaisesen bos long PNG, Dokta Eigil Sorensen na het bilong Nesenel Kolera Task Fos, Dokta Timothy Pyakalya i bin holim long las wik Fonde, ol i bin tokaut olsem dispela em i nesenel helt imejensi na ol i askim strong pipel insait long siti long bihainim gutpela pesenel haijin long daunim dispela sik.

Gavman i bin givim K3 milion long helpim wok long daunim

dispela sik taim Gavana Parkop i givim K200,000.

As bilong sik kolera i kamap em long dringim na yusim deti wara, deti han long redim na kisim kaikai na kaikaim kaikai i no kukim gut.

Olsem na Gavana Parkop i singaut logn pipel long siti na Sentrel provins long bihainim gutpela helt na haijin long laip na sinfaun bilong ol. Dispela em long dringim klinpela wara, pekpek long toilet stret o karamapim gut pekpek bihain yu toilet, wasin han wantaim sop bipo yu redim kaikai, taim yu laik kisim kaikai na bihain yu toilet.

Sampela skul insait long Mosbi siti na ol ples long arere bilong siti i pas bihainim spret pasin long sik i kisim sampela skul sumatin.

Sios i ken helpim long tokaut long komyuniti banis long sik HIV

Veronica Hatutasi i raitim

TAIM ol sios i kisim ol gutpela toktok long wok bilong ol long kisim helt sevis na daunim sik AIDS i go stret long ol ples longwe insait long kantri, askim i go tu long ol bilong tokaut long ol samting i sut long kalserel na sosel sait we i save banisim ol wok long stopim, kea na tritmen bilong AIDS long kantri.

Siaman bilong Nesenel AIDS Kaunsel Sekreteriet (NACS), Se Peter Barter i bin mekim dispela toktok long lonsing bilong ol sios lida i wok bung wantaim long daunim sik AIDS long Pot Mosbi las wik.

Se Peter i askim ol sios long tokaut long pipel we long kisim ol infomesen na ol sevis bai helpim ol yet, ol patna, ol famili na komyuniti i seif long wei i no bagarapim pasin na velyu bilong wanwan.

Long wankain taim tu, Se Peter tok ol sios i stap long gutpela posisen long mekim ol pipel i rausim pasin bilong rabisim na lukluk nogut long ol manmeri i gat sik AIDS bikos pipel i gat luksave long ol (sios).

Se Peter i poinimaut tripela

eria i wok long blokim nesenel rispons long AIDS we ol sios i ken helpim long kliartm na daunim. Em long rausim i rausim pasin bilong rabisim na lukluk nogut long ol manmeri i gat sik AIDS, tokaut strong long stopim pasin bilong paitim na bagarapim nogut ol meri na toktok na sapotim ol meri long ol rot ol i ken go insait long sosel na iekonomik wok. Na tu, stopim ol kalsa pasin PNG i gat long em i save daunim na rabisim ol meri. Namba tri em long mekim moa wok long stopim AIDS binatang i kalap i go long moa pipel.

Long wankain taim, wanpela long ol samting we kodineta bilong Yunaitet Nesens long PNG, David McLachlan -Karr i bin askim ol sios long helpim bilong ol long salens bilong mekim wanem insait long marit we wanpela patna i gat AIDS binatang na narapela i nogat.



SIOS WOKBUNG LONG DAUNIM AIDS: Ol sios lida i sanap wantaim i makim 20 sios long PNG na sainim agrimen bilong grup, PNG Sios Lidas Alaiens, long wokbung wantaim long daunim sik HIV/AIDS long PNG. Poto: Veronica Hatutasi.

Em i bin tokim ol sios lida long wok aninit long plen na rot we wanwan sios i bihainim long pait egensim sik AIDS tasol patna wantaim ol yet na ol narapela grup i wok long dispela eria. Em i tok i gat ol kain rot i stap olsem noken wokim pasin bilong ol marit inap yu marit, pas wantaim wanpela patna, lukautim yu yet na noken gat planti poroman na

yusim karamap o kondom.

"Mipela i no askim ol sios lida long givim aut ol kondom. Tasol sapos sios bilong yu i wanbel long dispela, yu i ken. Tasol mipela i askim yupela long patna wantaim mipela long daunim AIDS, sait bilong helt, edukesen na ol narapela eria bihainim rot we i orait long yupela yet," Mista McLachlan -Karr i bin tok.

YUMI na HIV
WANTAIM
Fr Jude Ronayne
Forde OFM



Ol Sios Lida i tok - Hap 3

LONG Trinde, Me 6 2010, sampela ol Sios lida i bung wantaim long Holide Inn long Pot Mosbi na sainim agrimen long wok bung wantaim long ministri long HIV/AIDS insait long kantri. Siaman bilong Nesenel AIDS Kaunsel Seketeriet, Se Pita Barter, Gavana Jenerel, Se Paulias Matane na sampela Ambada na man na meri i makim kain kain kantri na kainkain lain olsem UN i bung bilong witnes long dispela samting.

Tru, HIV/AIDS i no nupela samting, na sampela sios, olsem Katolik, Anglikan, Luteran na Salvesen Ami na sampela arapela tu, i gat ministri pinis long HIV/AIDS. Ol i winim planti yia tru long wokim kain kain program bilong banisim HIV (prevention and awareness) na tu long lukautim ol siklain (treatment, care & support). Ol bai gohet na wokim wok bilong ol. Ol i hop bai ol narapela sios i nogat HIV/AIDS ministri yet bai kirapim wok long HIV/AIDS insait long sios-komuniti bilong ol na skruim i go helpim ol arapela lain tu.

Nupela agrimen i gat 13-pela poin: ministri long HIV/AIDS i hangamap long :

- Bilip long God na Buk Baibel (Theology & Bible)
- Tok long HIV/AIDS i mas kamap ples klia (Bring into open)
- Ol i mas tokaut insait long ol Haus Lotu (Bring into churches)
- Ol Pasto i mas lukautim sikmanmeri na family bilong ol (pastoral care)
- No ken tok bilas o givim hevi long lain i gat sik (stigma & discrimination)
- Mas usim ol samting bilong sios bilong helpim dispela ministri (infrastructure)
- Wokabaut wantaim na helpim siklain (practical support)
- Wok wantaim ol lain i kisim sik pinis (Involve PLWHA)
- Spesil ministri long ol meri na gil (women & girls)
- Spesil skul long ol lain seminarian na lain i laik kamap pastor (curriculum)
- Wok wantaim Nesenel AIDS Kaunsel na ol arapela lain (partnerships)
- Prea na marasin - tupela wantaim (prayer & medicine)
- Tok strong long manmeri i mas senisim pasin bilong ol (prevention through behavior)

Katolik Asbisop, John Ribat, MSC., DD. i tok strong long PNG em wanpela Kristen kantri na ol sindaun na wok yumi mekim mas bihainim Tok bilong God na pasin bilong Kraisi. i mas i gat ol Kristen velyu - "Kristen Principles" - insait long HIV/AIDS ministri - stat long "Prevention" i go inap long we yumi bungim na lukautim sikmanmeri na ol lain bilong ol.

Se Pita Barter i tok long wok sios i save mekim. Ol i save go insait long ol kona bilong kantri bilong helpim ol pipel bilong ples. Ministri long HIV/AIDS tu i mas i go antap long olgeta maunten, insait long ol viles long bus na long ol ples bilong nambis. Sios bai go pas bilong bringim sevis long ol pipel.



For Our Future,
We Need
Women Leaders
Too!

Samuel & Zion Lokoloko



Tell your MP to
VOTE
for the


"RESERVED SEATS FOR WOMEN"
Bill

An initiative of the Department
for Community Development

Supported by
the United Nations



WEI BILONG ABRUSIM SIK KOLERA



Mi plesman tasol...
Hau bai mi
abrusim dispela
sik Kolera?

- 1. Yusim haus toilet long pekpek!
Sapos nogat toilet, digim hul na
karamapim pekpek long graun!!**



- 2. Boilim wara gut na
lusim kol bipo yu dring!**



- 3. Wasim gut ol fres kaikai long
klinpela wara bipo yu kaikai na
kaikai taim kaikai i hat yet!**



- 4. Wasim han gut wantaim
sop bihain yu yusim toilet
na bipo yu kaikai!**



- 5. Lang i save karim Sik Kolera i kam tu.
Karamapim ol kaikai na wara we lang i
no ken sindaun long en. Kilim ol lang!**



Lopi kongrikesen i gat nupela sios bilding

Sape Metta i raitim

BIKPELA amamas na selebresen i bin kamap long opim bilong Sen Joseph's Katolik Sios bilding long Lopi, wes Goroka, Isten Hailans, tupela Sarere i go pinis.

Sios bilding i kostim moa long K300,000 long sanapim.

Bisop Francesco Sarego bilong Goroka Daiosis i bin go pas long wokim sios sevis na blesing bilong dispela nupela sios bilding, na i tok dispela sios ol i kirapim dispela sios long

Lapi biko em bai bringim sevis i kam klostu long ol Katolik komyuniti long hap husat long planti yia i go pinis i save wokabaut long longpela rot i go long sios sevis long taun, Faniufa, YC na Not Goroka.

"Mipela i sanapim dispela haus lotu long wanem, mipela i no laikim bai ol kongrikesen memba i wokabaut i go longwe na ol i ken kamap long lotu long taim bilong misa klostu long haus dua bilong ol," Bisop Francesco i tok.

Man husat i bin go pas long stretim ol samting long

sanapim nupela haus lotu, Peter Matthew Landu, i tok em bin kisim 22 yia long karimaut olgeta wok long painim mani na bildim sios.

Em i bin autim bikipela tok tenkyu long helpim bungim mani na sapot bilong ol Katolik misinari long Australia we i bin givim bikipela hap mani, Katolik komyuniti na ol narapela Kristen long Lopi na nau nupela sios bilding bai sevim ol Kristen Katolik pipel i sanap.

Peter i tok toktok bilong graun i mekim na taim i surik longpela taim stret

bipo sios i sanap.

Mista Landu i tokim kongrikesen long lukautim gut sios we ol yut, ol mama na ol papa grup i ken wokim ol felosip bilong ol long en. Em i skruim tok i go moa olsem ol narapela sios i ken yusim dispela sios long ol sios ektiviti bilong ol.

"Mipela i wanbel long wok bung na patna wantaim ol narapela sios bikos mipela laik bringim gutpela sindaun i go long ol famili na ol manmeri long dispela komyuniti," Mista Landu i bin tok.

Katolik Bisop Konprens i gat nupela Jenerel Sekreteri

KATOLIK Bisops Konprens (CBC) bilong PNG na Solomon Ailans i gat nupela Jenerel Sekreteri. Em long Pater Victor Roche, SVD.

Wanpela toktok i kam long CBC opis na Jenerel Sekreteri Pater Rolando Santos i tok ol bisop i bin makim Pater Victor olsem nupela CBC Sekreteri insait long Anuel Jenerel bung bilong ol we ol i bin holim long Lae, Morobe provins klostu long pinis bilong las mun.

Pater Rolando i tok Pater Victor bai stat long nupela wok bilong em long Ogas 9, 2010 bihain long em i kam long malolo bilong em long India.

Nau yet, Pater Rolando bai skruim wok olsem Jenerel Sekreteri bilong CBC inap long Mei 22 taim em bai go bek long asples kantri bilong em long Filipins na kisim nupela wok olsem bos bilong kongrikesen bilong em.

Pater Rolando i tok stat long Mei 22 inap long Ogas 8. CBC Menesmen Asisten, Henrietta Ampaoi bai lukautim ol wok long opis na tu, lukim olsem ol wok na sevis long CBC sekreteriet i ron gut.

Pasto Bono i lusim Bumbu setelmen kongrikesen

Michael Novingu i raitim

MOA long 200 ASEMBLI ov God (AOG) kongrikesen long Bumbu setelmen long Lae, Morobe provins na ol narapela sios komyuniti i bin bung long tok gutbai long sinia pasto, Pasto Ben Bono tupela Sande i go pinis.

Pasto Ben Bono husat i bin wok olsem wanpela sinia pasto insait long 17-pela yia long Bumbu setelmen AOG sios i bin pinis long wok long go aut na kirapim nupela laip ausait long sios.

Bumbu setelmen em i wanpela setelmen i save kamapim ol raskol man tasol taim AOG sios i stap aninit long lukaut bilong Pasto Ben, pasin nogut i wok long go daun.

Pasto Bono i tokim ol kristen manmeri i bin bung long tok gutbai long em olsem ol i mas sanap strong, senisim pasin na laikim ol narapela manmeri. Na long painim God bilong givim ol save na tingting long kirapim gutpela sindaun long famili, komyuniti na kantri.

Pasto Bono i tok kari-maut wok bilong Papa God i no isi wok bikos i gat planti maunten long kalapim, planti wara long brukim tasol ol i mas sanap strong long wok we Papa God i singautim ol long wokim bikos em bai blesim ol na planti Kristen, manmeri bai bihainim gutpela pasin long laip na sindaun bilong ol.

Pasto Bono i bin kari-maut ol wok misin bilong em long Finsafen na Siassi

Ailan. Emi tok ol manmeri i kisim Tok bilong God na senisim pasin bilong ol long kirapim gutpela sindaun long ol famili na komyuniti bilong ol.

Em i tok olsem em i no mekim wok pasto tasol em i mekim ol narapela wok tu long helpim komyuniti olsem ol wod developmen komiti long Ahi Lokol Level Gavman kaunsel, sik TB Dots voluntia program na kisim ol yut long Bumbu setelmen long kempein bilong daunim sik HIV AIDS.

Pasto Bono bilong Wogenara long ples Dagua long Is Sepik provinsi maritim Melin na ol i gat 5-pela pikinini. Ol bai lusim Bumbu setelmen na go sindaun long nupela hap long Bumayong ausait long Lae siti.

Pasin bilong onaim Santu Maria

Fr. Mirek Puchacz, MSF i raitim

PLANTI taim ol manmeri bilong narapela lotu i tok baksait long ol Katolik manmeri bikos ol i onaim Santu Maria.

Bilong wanem ol i mekim olsem? Sapos ol i stadi gut Buk Baibel ol inap long givim rispek long Santu Maria na laikim em. Martin Luter bipo em i statim dispela muvmen ol i kolim Reformesen (31 Oktoba, 1517) em i bin stap Katolik pater na em i bin raitim naispela komentari o skul long Magnificat (Song bilong Maria Lk 1,46-55). Bihain ol man-

meri husat i bihainim em i lusim pasin bilong onaim Santu Maria na olgeta santu. Dispela em ating bikos long anti-Katolik tradisen o pasin bilong ol. Mipela i no ken bihainim pasin bilong ol long tok baksait na bagarapim nem bilong ol, tasol mipela i mas save gut long bilip bilong Katolik Sios. Long dispela mun bilong Santu Maria mipela i ken kisim moa skul long em bilong stap strong long bilip bilong mipela na tu, strongim bilip bilong ol narapela Katolik manmeri.

Long nupela "Katekismo bilong ol Katolik manmeri bilong Papua Ni-

ugini na Solomon Ailan" mipela inap long painim gutpela skul long Santu Maria i toktok long Santu Maria long laip bilong Sios.

Long bilip bilong ol Katolik, ol i onaim Santu Maria i Virgo olsem mama tru bilong God na bilong Ridima bikos taim ensel i autim tok long em, Maria i kisim Tok bilong God insait long lewa na bel bilong em. Maria i painim salvesen long wanpela pasin i nambawan moa yet, bikos Pikinini bilong em i bin winim salvesen bilong yumi. Maria i stap klostu tru long Pikinini bilong em long pasin bilong bung wantaim

i no ken bruk olgeta. Maria i pikinini meri God Papa i laikim tumas na em i haus bilong Holi Spirit.

Bikos long ol dispela presen i kam long God, Maria i bikipela moa long ol arapela samting long heven na long graun. Em i bihain long Pikinini bilong em, bikos em i Mama bilong God i holi tru. Olsem Katolik Sios i givim ona long Maria na kolim em 'Mama bilong God'. Ol Katolik i save givim 'ona' long Maria; ol i no save adorim em bikos adoresen em i samting bilong God tasol.

Laspela hap long neks wik.



Kristen Yuniti

LONG yia 2002 na 2003 mi bin wok olsem Rekta long St Francis Anglican Sios long Goroka, Isten Hailans provins.

Insait long dispela 2-pela yia mi bin wok poroman wantaim Fr John Ryan bilong Katolik sios.

Long olgeta Tunde, mitupela i save go na givim rilijes instraksen long Goroka Intanesenel Praimeri skul.

Ol sumatin bilong mi i no planti olsem na Fr John i save skelim na salim olgeta bikipela pikinini i kam long mi na em i save kisim ol liklik pikinini long lowa gred.

Em wanpela kain mi stat long lukim wok bung namel long em na mi.

I no long taim na yumi kamapim wanpela bung, Ministers Fraternal.

Yumi save bung insait long wanwan sios long olgeta Tunde long dispela bung. Yumi gat moa long 15-pela sios.

As tingting em long bung pre wantaim, lotu wantaim, serim wantaim na bikipela samting em bringim yumi kam moa klostu long Jisas na narapela arapela.

I no mipela ol minista tasol i bung, nogat. Ol pipel long wanwan sios i bung wantaim yumi long wanwan mun na dispela i kirapim bilip bilong ol long luk-save long Jisas.

Dispela bung yumi save tok Kristen yuniti.

Tok tasol long maus i no inap. Wok wantaim arapela Kristen long bung pre, lotu wantaim na serim wantaim em tru mak bilong yuniti.

Long dispela Sande, Rid Jn 17:20-29, Jisas mekim klia rilesensip bilong em wantaim papa, papa wan em yet na em wantaim ol aposel name wantaim yumi bilip manmeri.

Jisas i laikim yumi mas wok bung wantaim na soim tru pasin bilong givim bel long arapela narapela.

Em tru yuniti. Yuniti i no inap kamap sapos maus i tok mi laikim yu na hat i birua long em. Em i no stret.

Tru Kristen yuniti mas kam long hat o lewa bilong yumi.

Long dispela minista pratenal bung bilong yumi, mi bin lukim em tru mak bilong Kristen yuniti.

Long dispela rit bilong St Jn 17: 20-29 i tok long Jisas i bung wantaim papa na papa God i bung wantaim em na Jisas wantaim yumi.

Olsem na long dispela wik bilong Kristen yuniti, yumi mas wok wantaim, pre wantaim, lotu wantaim, na bikipela samting em yumi yet.

Bung wantaim sol, bodi na spirit insait long sios bilong God.

Givim sapot long 22 Risev Sit bilong ol meri

Veronica Hatutasi
i raitim

PNG i mas gat moa meri long Nesenel Palamen long i gat balens long mekim ol disisen long top level bilong gavman long sosel, iekonomik divelopmen na laip na sindaun insait long kantri i ken go gut.

Long taim 2012 nesenel ileksen i wok long kam klostu, ol meri long PNG i strongim ol wok long karimaut ol wok awenes bikos ol i laikim moa meri i go long palamen, kam 2010 ileksen.

Wanpela meri PNG palamen memba tasol na Minista bilong Komyuniti Developmen, Dame Carol Kidu, Nesenel Kaunsel bilong ol Meri (NCW), ol meri lida, Yunaitet Nesens na moa yet han i save sapotim wok na sindaun bilong ol meri em UNICEF na ol narapela manmeri i wok hat tru nau long kisim sapot long ol Palamen memba i ken vot long Bil bilong tok oraitim 22 Risev Sit bilong ol Meri long Palamen.

Long dispela Bil i kisim sapot na 83 vot long ol 109 Palamen memba, tok klia i mas go aut long dispela 22 Risev Sit bilong ol Meri long Palamen na wok we ol dispela meri memba bai mekim.

Long mekim dispela wok, UNICEF, Dame Carol na ol meri lida i laik wok bung na patna wantaim midia na ol ripota na kisim ol kliapela toksave i go aut long pablik bilong dispela kantri.

Olsem na long las wik Fraide, wanpela de wok-sop i bin kamap we ol ripota i bin sindaun long kisim moa save long raitim ol ripot long ol isu bilong ol meri na long dispela wei, pablik i karamapim tu ol palamen memba i ken klia long Bil bilong 22 Risev Sit long stiaim vot na sapot bilong ol.

Siamei bilong Integriti bilong ol Politikel Pati na Kendidet Komisnin na strongpela sapota bilong ol meri isu, Dokta Orovu Sepoe i tok i gat tripela bikpela as tingting watpo i mas gat meri long Palamen na disisen mekim level. Em taim i gat moa meri long palamen, bai i gat balens long level bilong mekim ol disisen, kantri bai i no inapim ol Milenium Developmen Gols we UN i makim olsem sekmak long lukim sapos kantri i wok long kamapim iekonomik divelopmen, taim ol meri i stap long palamen, humen divelopmen indiketa bai kamap gut bikos ol meri bai lukluk long ol sosel na welfea isu na mani bai i go long ol dispela bikpela eria we taim ol man tasol i stap ino inap givim bikpela lukluk long ol.

Dokta Sepoe i bin tok insait long 34 yias PNG i kisim indipendens, 4-pela meri tasol i bin win long ileksen na dispela i no gutpela.

Loya bilong ol wok i sut long Bil bilong 22 Risev Sit bilong ol Meri long Palamen na Asosiet Lo Profesa long Yunivesiti bilong PNG, Dokta Eric Kwa i bin tok midia i

ken helpim long stiaim rot PNG i go long em bikos ol i gat pawa long ol ripot we ol i raitim.

"Politikel Disisen i kamap pinis bikos gavman i putim Bil long nesenel geset we i wetim tasol palamen long givim vot sapot wantaim 83 memba. Bikos taim i sot, media i ken helpim taim em i salim ol rait mesej i go aut long pablik. Histri i soim taim ol meri i sanap long ileksen, em i hat tru long win na olsem, mipela i traim long wok long risev sit bilong ol meri tasol. Taim yumi salim moa infomesen na nius i go aut nau, em i gutpela bikos, bai yumi nogat namba tu sans moa long putim dispela Bil i go long Palamen i tok oraitim. Taim dispela Bil i stap long tingting bilong ol politisen nau, em i gutpela long suvim dispela Bil i go long Palamen," Dokta Kwa i tok.

Ol bai tebolim o paitim toktok i go na i kam long Julai bung bilong Palamen long kisim sapot na mekim dispela Bil i kamap lo. Bil ya bai kamapim wanpela moa open sit long ol provins na i bilong ol meri tasol i resis long em.

"Ekspiriens bilong ol narapela kantri i soim olsem tai mol meri i stap long liasip level, sosel, iekonomik na humen divelopmen i save kamap gutpela. Moa meri i mas stap long Palamen long senisim ol sosel indiketas. Nau yumi i gat wanpela memba long Palamen tasol. Wanpela i no inap," Dokta Sepoe i tok.



SAPOTIM MERI RISEV BILL: (L-R) Isako Grace Feka bilong UNIFEM, Dokta Orovu Sepoe bilong Integriti Bilong Politikel Patis Komisnin na Barbara Toiya em Nesenel Progrem Menesa i tromoim bikpela sapot long Dame Carol Kidu na wok long putim moa meri i go long Palamen. *Poto: Veronica Hatutasi*

Bogenvil tasol em i wanpela ples long Pasifik we i gat lo bilong ol risev sit bilong ol meri. Sapos moa meri husat i rresis long ol open sit i win, em i min olsem Bogenvil bai i gat moa meri long gavman na level bilong mekim ol bikpela disisen.

UNIFEM Midia opisa, Naziah Ali i tok Jenda Ikwaliti long Politikel Gavanens Progrem bilong UNIFEM bai go het long 5-pela yia we UNIFEM na AusAID wantaim i fandim i bin statim midia kempein bilong em long dispela mun.

Mis Ali i tok dispela kempein i bilong enkar-ijim o strongim ol manmeri bilong PNG long tokim ol memba bilong ol long vot long dispela Bil. Bil i mas kisim 83 vot bilong ol nesenel Palamen memba long Palamen i tok oraitim na bai i kamap lo.

Mis Ali i tok midia na ol ripota i gat bikpela wok na bai ol i givim bikpela helpim sapos ol i givim ol infomesen i go aut we pablik na ol Palamen memba i ken givim sapot bilong ol na palamen i ken tok oraitim.

UNICEF go pas long bung bilong ol meri lida ...Selebretim Madas De

TAIM ol mama long wol i wok long selebretim Madas De las wik Sande, Yunaitet Nesens Fan bilong ol Meri em UNIFEM i bin holim preia, ol tok-tok na ti taim long Sande apinun long Holide Inn long mekim klia long ol meri lida long ol wok go het inap we long 22 Risev Bil bilong ol meri.

Meri lida i makim tu Yunaitet esebis Developmen Progrem, Margaret Loko i bin givim ripot long ol meri long ol wok go het long dispela Bil. Christine Moses bilong Ela Yunaitet Sios i bin go pas long preia na wosip bipo ol i statim bung toktok long dispela taim.

Ol meri lida i bin stap long dispela bung em long Presiden bilong ol Meri long Bisnis, Janet Sape, Papua Hotlain Eksekyutiv opisa Sisan Setae, Pipels Alaiens Parti Vais presien Martha Kaia na planti ol narapela bikmeri moa.

"Dispela bung i bilong givim luksave na selebretim ol hatwok na ol wok i go het ol meri long PNG inapim nau long sait bilong politiks. Olgeta i wok long lukim ol hatwok bilong ol long planti yia i karim kaikai nau," Naziah Ali em Komyunikesen opisa bilong UNIFEM i tok.

PABLIK NOTIS

STET BILONG PABLIK HELT IMEJENSI LONG KAMAP BILONG SIK KOLERA INFOMESIN LONG WANEM SAMTING LONG MEKIM

NCDC Kolera Task Fos i askim long helpim bilong olgeta lain insait long Nesinol Kapitot Distrik na Sentrol provins long helpim long stopim sik Kolera long go bikpela. Hia em sam-pela bikpela samting pablik mas mekim na tu ol namba long ringim long kisim infomesin.

- Go harim tru long dispela ol helt senta sapos yu pekpek wara planti – St Johns Hausik, St Johns Klinik, Godens; Eben Klinik, Konedobu: Eben Klinik, 6-Mail, Foa Skwea Klinik, Kilakila, Pot Mosbi Jenerol Hausik.
- Wasim gut tru han bilong yu olgeta taim bihain long yu yusim toilet, olgeta taim bihain long yu putim kaikai long maus o taim yu laik redim kaikai. Lukim olsem ol pikinini bilong yu i save long dispela tu.
- Dring boil wara tasol. Noken dring 'hom-meid' wara ol i salim long strit.
- Stop long salim ol kuk kaikai, drink ol i wokim long haus o wara bilong dring, ais-krim o ais-blok ol salim long strit o long viles.
- Tingim na luksave long 5-pela 'F':
 - Fluids:** Boilim wara inap wan minit pastaim long yu dring.
 - Finga:** Wasim han wantaim sop o fres sit bilong paia olgeta taim bihain long yu yusim toilet na pastaim long yu redim kaikai.
 - Fud:** Redim kaikai (fud) bihain long yu wasim han pastaim.
 - Flais:** Karamapim kaikai long stopim ol lang (flies) na karamapim graun toilet long stopim ol lang long sindaun long ol pekpek.
 - Fises:** Yusim septik o pit toilet na noken larim pekpek i stap ples-klia.
- Yu mas save olsem win ino save kamapim sik Kolera!
- Ringim ol dispela namba sapos yu nidim helpim:

24-aia Ambulens Sevis Hotlain:	72-000-100 or 111
Medikol Rispons Kodineta:	34-13043
Medikol Rispons Kodineta:	34-13044
Pablik Helt Rispons Kodineta:	34-13046
Aweanes na Infomesin Kodineta:	34-13047
Medikol Saplais na Lojistiks	34-13048
Peisen Trempotesin Kodineta:	34-13049
Leboratori Sapot Kodineta:	34-13050
Medikol Kea Kodineta:	34-13051
NDOH Sif Medikol Ofisa	34-13052
- NCDC Kolera Task Fos Komand Senta i stap long Graun Flua bilong Saut Wing Lagatoi Haus long Waigani.
- Tingim ol sain bilong sik Kolera: Sik Pekpek wara longpela, ai surik go insait, skin na maus dral, nogat strong long wokabaut, trautilim kaikai (sampela taim), nogat skin hot, nogat bel pen. Hariap long kisim medikol helpim sapos yu gat dispela ol sain.

Atoriti i kam long:

DR. TIMOTHY PYAKALIYA
Kontrola - Stet ov Pablik Helt Imejensi long NCD na Sentrol Provins



TOK PISIN NEWS

from Radio Australia

radioaustralia.net.au

Harim TOK PISIN long

Radio Australia

101.9FM

Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Ol giaman sensus woka i mekim pipel long ailan i wari

OL atoriti long Guam nau i wok long tokim pipel long Ailan long ol i mas was long ol dispela giaman sensus wokman na meri em ol i wok long raun long ailan na kisim toktok long ol pipel.

I bin gat sampela komplem i kam long ol pipel long ailan i wok long kros long ol pipel em ol i giaman olsem ol i sensus woka, na i wok long traim toktok long ol na i laik kisim ol infomesen long ol benk akaun bilong ol na kain olsem. Mausman bilong Gavana, Shawn Guataotao, i bin tok wei ol i askim ol kwesten bilong sensus i luk gutpela na ol pipel i no mas bilipim ol na givim aut ol tok-save long benk kaun bilong ol.

14 pipel i dai long han bom

WANPELA 14 pipel i bin dai pinis long pairap bilong han bom long Hailans bilong Papua Niugni, em i bin bihainim ol pait namel long ol ples.

Pot Mosbi niusman, Firmin Nanol i bin ripot olsem polis long Sauten Hailans provins i bin tok dispela 14 pipel i dai em sampela lain bilong Kagua-Erave distrik i bin hait na kilim ol.

Polis Komanda bilong Sauten Hailans Provins, Suprintenden Teddy Te i bin tok, em i bin lukim ol famili i bin putim long matmat, dispela 14 pipel las wik.

Em i tok dispela trabel i bin stat bihain long dai bilong wanpela man bilong ples Yakare, em ol i tok wanpela man bilong Kome i bin kilim em.

Polis i bin tok ol pipel bilong Yakare i bin askim ol pipel bilong Kome long kamap na ol i stre-tim toktok, tasol lain bilong Kome i bin hait na kilim ol wantaim han bom.

Polis i tok tupela sait i bin strong stret long pait bilong tupela i yusim ol gan ol yet i wokim.

Sik Kolera long Pot Mosbi bai no inap pinis kwik

WOL Helt Ogenaisesen long Papua Niugini i bin tok bai sampela taim yet pastaim long ol opisal i ken tok dispela sik Kolera em i bin kamap long Pot Mosbi ol i bin stopim em. Minista bilong Helt long

Papua Niugini, Sasa Zibe, i bin tok em i gat strongpela bilip kamap bilong dispela sik long Mosbi nau ol i nap kontrolim em, bihain long ol helt atoriti i bin tokaut long helt imejensi las wik bihain long dai bilong faivpela pipel.

Kantri i bin hat tru long daunim sik kolera long ol provins olsem Madang, Morobe na Is Sepik stat yet long mun Ogas las yia.

Mausman bilong Wol Helt Ogenaisesen, Dokta Eigil Sorensen, i bin tok i gat yet sik Kolera i stap long tupela o tripela komyuniti long Pot Mosbi, em bikpela long en em ol ples klostu long nambis.

Em i tok bikpela hevi em long sik kolera i wok long stap long wanem i nogat gutpela wara saplai long rijen.

Kanton Ailan long Kiribati i sot long kaikai

WANPELA sela bilong Briten em i wok long kam olsem long Australia i bin toksave long ol atoriti bihain long em i bin painim ol lain pipel bilong Kanton Ailan long Kiribati, we nau ol i sot tru long kaikai bilong ol. Kanton i bilong dispela Pheonix Grup bilong ol Ailan i save silip namel long Fiji na Hawaii.

Tupela ten foa pipel bilong Kanton Ailan, em i gat long en 14 ol bikman na meri na tenpela pikinini, nau i sot tru long wara, taim sela man Alex Bond i bin painim ol. Em i tok em i bilip ol pikinini i mas hangere bagarap tru.

Em i bilip, wanpela saplai sip em i mas bringim kaikai bilong ol i bin bisi long wanpela ailan klostu na bai kisim sampela de pastaim long em i go kamap long hap.

Amerika i tok wok pren bilong en wantaim Afganistan i mas strong

AMERICA i wok long tok strong olsem wokbung bilong en wantaim Presiden bilong Afganistan Hamid Karzai i mas stap strong.

Presiden Karzai i go kamap pinis long Washington long wanpela luk-luk raun bilong em. I bin gat ol sampela tok win bilong Amerika long ol pasin korapsen na ol wei bilong wok wantaim long dispela woa long Afganistan.

Lisa Miller i ripot ol opisal bilong Amerika i bin wok long bilip, dispela lukluk bilong Mista Karzai helpim long strongim gen gutpela wokpren wantaim Amerika.

Hamid Karai bai stap long Washington inap long foapela de na bai

holim wanpela pres kon-prens wantaim lida bilong Amerika.

Ol wokpren namel long tupela man i no bin orait tumas tasol Amerika ambeseda long Afganistan, Karl Eiken Burry i bin tok tupela gavman nau i bin moa klostu winim bipo.

PM bilong Tailen askim ol protesta long bekim ofa bilong em

PRAIM Minista bilong Tailen i tok lukaut long kanselim wanpela tingting bilong kamapim bel

isi em i bin givim long ol protesta, ol Red Siot husat i go het yet long sindaun na protes namel long Bangkok. ABC Niusmeri, Zoe Daniel, i ripot i kam long Bangkok olsem ol toktok i wok long go bikpela tru long ol Red Siot long pinisim nau protes bilong ol.

Praim Minista, Abhisit Vejjajiva i bin tokim ol olsem, ol i mas givim ansa bilong ol long pisen em i givim ol tude, na toksave sapos ol sapotim o nogat. Em i tok, em bai noken go het long tingting i givim ol long holim ilek-sen long Novemba.



NESINOL KAPITOL DISTRIK KOMISIN PABLIK NOTIS

NUPELA NCDC BAS STAT RON PINIS LONG ROT LONG 12 ME

Yu gat hevi long kisim wanpela PMV bas long ol bisi taim? Yu tingting tumas long sait bilong helt na sefti stendet long ol pablik trenspot?

Nesinol Kapitol Distrik Komisin long nau yet i putim pinis long rot ol bas em Brisben Siti Kaunsil i givim long daunim ol hevi long sait long trenspot long Mosbi siti. Stat long aste Trinde Me 12, 2010, long bisi taim 6-pela kaunsil bas i statim ron bilong ol long traim ol ron long dispela hap:

RUT 1: Gerehu – 4 Mail na Kambek (3-pela bas): Gerehu Draiv, Goro-Kaega Rot, Waigani Draiv, Sir Hubert Murray.

RUT 2: 4-Mail – Daun Taun na Kambek (2-pela bas): Sir Hubert Murray Haiwe, Healy Pareid, Ela Beach Rot

RUT 3: 4-Mail – 7-Mail na Kambek (1 bas): Sir Hubert Murray Haiwe, Boroko Draiv, Geauta Draiv, Airport Rot, Morea-Tobo Rot.

Ol dispela bas gat i wanpela Draiva, wanpela Bas Kru na 4-pela Sekuriti gad, tupela bai stap long fran na tupela long baksait.

Ron long dispela ol bas em Fri! Taim yu ron long dispela ol bas, yu bai no inap peim fea (Sapos wanpela i askim yu long peim bas fea, yu mas tok strong olsem em fri na yu mas ripotim dispela samting igo long NCDC Menesmen.



Tasol, yu mas soim na bihainim ol dispela samting.

Yu mas karim na soim ID Kat bilong Kampani o Ogenais-esin yu wok long en long boskru long bas long soim olsem yu trupela man long wok long dispela bisi taim.

Yu mas luksave long olgeta pablik trenspot na sefti lo olsem noken simok, noken kaikai buai, noken dring bia na noken mekim pipia o tromoi pipia i goaut long bas.

Sapos yu no bihainim ol dispela lo, ol Bas Sekuriti (Marshals) i gat rait long tokim bas long stop nay u ken go daun na wokabaut.

Ol Sekuriti long bas (marshals) i gat rait long givim oda long yu long go daun long bas sapos yu bikhet na ino soim rispekt long ol narapela pasindia.

Mipela welkam tasol long wanem ol gutpela tingting o askim we i ken helpim long bringim kamap gutpela ol sevis long dispela Bas Sevis long Mosbi Siti long helpim yu.

Givim ol tingting bilong yu o komplem long simonv@ncdc.gov.pg o long augustinr@ncdc.gov.pg.

Helpim Nesinol Kapitol Distrik Komision mekim pablik trenspot long Pot Mosbi i kamap gutpela long yu.

Nesinol Kapitol Distrik Komisin: Muv long mekim Pot Mosbi gutpela ples insait long Saut Pasifik. Tok-orait i kam long:

LESLIE ALU
Siti Menesa



Sait mani kamap bikpela pasin nau

PASIN bilong kisim liklik sait mani o komisin em hap wok bilong planti opis lain insait long kantri tude. Taim ol helpim yu long wanem kain wok o hevi bilong yu, ol laikim yu mas givim ol sampela liklik wan siling.

Dispela wik long niuspepa yumi ritim tupela meri i karim sek mani bilong wanpela skul na ol papa-graun long Hailans na laik givim go long ol tasol ol papa bilong mani mas givim sampela sait mani long ol. Dispela sek mani i kam long opis bilong gavman husat save givim kain mani olsem go long ol projek na pipel.

Tingim tasol, sek mani ya em K2.5 milien na arapela em K1.5 milien. I no liklik mani ya. Na sait mani bilong ol em mak olsem K25,000 ya. Fri mani na isi mani stret bilong tupela meri ya.

Wantok Sistem bin raitim pinis long las yia olsem kain pasin olsem em stap long planti bikpela opis



bilong gavman insait long kantri. Taim yu go long kisim sevis na helpim bilong gavman, yu mas givim sampela kain sait mani o komisin long ol pas-taim. Sapos nogat, sore stret, yu bai wet wet go na nogat samting bai kamap long hevi bilong yu.

Insait long opis bilong gavman, ol wokmanmeri save long dispela na ol save sapot sapot na karamapim narapela narapela. Bikos taim wanpela i kisim sait mani olsem, olgeta bai skelim. Olsem na em i hat stret long ol bai tokaut long pekato bilong narapela.

Em wanpela kain pasin nau i kamap bikpela insait long kantri bilong yumi we ol pablik sevens laikim sait mani long wok ol mekim long helpim yumi ol liklik manmeri bilong PNG.

Ating ol no save kisim gutpela pei o ating ol laikim ekstra mani bilong stretim wari bilong ol o amamasim ol yet wantaim.

Nau planti pipel save pinis long dispela kain pasin olsem na taim ol laik karim sampela hevi na wari bilong ol go long lukim Gavman, ol save redim liklik sait mani bilong amamasim husat pablik sevens i kisim pepa bilong em na stretim.

Ol bai givim buai long dispela opisa na aninit long buai em lip mani tu stap aninit taim ol givim long dispela opisa.

Ol manmeri pret long ol gavman opisa no inap helpim ol gut o stretim pepa bilong ol hariap olsem na ol mas givim sait mani go hait bai ol ken kisim helpim hariap.

Olsem na husat bai stopim dispela pasin?

Ol papamama karim sait mani go givim long ol tisa na hetmasta bilong skul long putim nem bilong ol

pikinini bilong ol long skul. Em kamap pinis.

Gavman opisa nau laikim yumi mas givim ol sait mani long wok na helpim bilong ol long yumi. Yumi save olsem em wok bilong ol we gavman i putim ol long en long helpim pipel. Tasol nau ol laik mekim sait bisnis long ol samting bilong pipel.

Wok go bek long han bilong ol lida long Palamen long stretim ol sistem bilong givim aut sevis long ol pipel. Na tu taitim lo bilong mekimsave long ol opisa husat save mekim kain hait pasin olsem.

Yumi mas skulim ol pikinini bilong yumi nau long kamap gutpela manmeri long bihain taim bai ol noken kamap wantaim kain korap o stil pasin olsem tude. Ol mas sevim kantri na ol pipel gut.

PNG em naispela kantri tasol yumi yet bai bagarapim long ol kainkain korap, paol na stil pasin olsem ya.



KOMENTRI

Maining mani pasim ai na maus bilong ol lida

LONG tok inglis, taim ol manmeri i bung, na i gat wanpela samting ol i no laik paitim tok long en, ol i save kolim dispela samting, 'wait elefant'. Bai ol i tok-tok raunim dispela samting, tasol i nogat wanpela bai opim maus na kolim stret o toktok long en.

I nogat wanpela kain waitpela elefant i stap long wol, na sapos i gat, ol man i no lukim yet.

Tude, long kantri bilong yumi, dispela 'waitpela elefant' i stap. Nem bilong em i mama graun.

Ol lida bilong yumi long haus palamen, i save hariap tru long sanap na pairap tumas long mani bikpela LNG projek bai bringim i kam long kantri.

Oltaim bai ol i tok, wok maining, nau i holim kantri bilong yumi, na bai karim i go bihain taim tu.

I nogat wanpela bai sanap na tok, 'yumi noken guria tumas. Yumi mas tingim tu busgraun bilong yumi. Dispela projek bai i orait long busgraun o nogat?'

Nogat wanpela memba i kamaut na toktok long strongim ol belwari bilong ol liklik manmeri long ples, husat i save sindaun, kirap long busgraun bilong ol.

Aste long haus palamen, lida bilong oposisen, Se Mekere Morauta, i bin givim askim long Praitim Minista Se Michael Somare, long em i mas tok klia long wanem ol wokmani na gutpela bilong tupela bikpela risos projek em LNG projek, na Ramu Nikel Main projek long Madang.

Insait long askim bilong Morauta, em i askim tu long PM i mas tokaut stret long wanem ol hevi dispela ol projek bai givim o kamapim long busgraun bilong yumi.

PM i bin hariap tru long sanap na bekim ol askim bilong Se Mekere. Em i tok olgeta wok mani bilong LNG projek i stret tasol. Em i wanpela projek bai bringim planti samting i kam long kantri, na i nogat wanpela paul wok i stap long en.

Tasol em i no tok makim narapela projek ya, Ramu Nikel Main.

Nau yet bikpela belkros tru i stap wantaim ol pipel bilong Madang provins, husat i wari tru long busgraun bilong ol i bagarap long dispela bikpela risos projek bilong gavman bilong Saina.

Tasol i luk olsem maus bilong lida bilong yumi i pas pinis long toktok long dispela projek.

Sapos i gat wanpela waitpela elefant i stap yet long wol, yumi ken tokaut olsem em i stap hia long PNG.

Bikos lida bilong kantri i painim pinis.

Em i stap, na em i wok long givim kaikai long ol lida bilong yumi, olsem na ol i les long tok daunim em.

Dispela waitpela elefant nau i stap long Madang provins, em maski ol lida i no inap lukim o opim maus long en. Ol pipel i luksave, na ol bai singaut strong yet.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general term acceptance are available at Word Publishing Company Ltd and are set out full on the display advertising form.

Wei bilong Abrusim Sik Kolera

1. Yusim haus toilet long pekpek!

Sapos nogat toilet, digim hul na karamapim pekpek long graun
Noken pekpek klostu long ples bilong wara!



2. Lukautim gut wara bilong dring. Boilim wara gut na lusim em kol bipo yu dring.



Putim wara bilong dring long klinpela konteina na karamapim gut.

3. Wasim gut ol fres kaikai long klinpela wara bipo yu kukim na kaikai taim kaikai i hat yet.

Wasim gut ol frut na rausim skin bipo yu kaikai.
Karamapim ol kuk kaikai yu salim long maket.




Kukim gut ol selpis na pis bipo yu kaikai.

4. Wasim han wantaim sop bihain long yu yusim pinis toilet na bipo yu holim kaikai.



5. Lang i save karim sik kolera i kam tu. Karamapim ol kaikai we lang i no ken sindaun long en. Kilim ol lang!



Sik Kolera i ken kilim yu, sapos yu no bihainim ol dispela faivpela rot.

Sapos yu pilim olsem bel i pen na yu pekpek wara na traute tumas, hariap na go long haus sik klostu long yu!

Toksave i kam long:



Gogodala Kanu Festival soim kalsa na naispela kala

James Kila i raitim

MI SAVE harim na ridim tasol na lukim long TV, buk na megasin ol dispela Gogodala Kanu Festival, tasol long go lukim long ai bilong mi stret em wanpela narakain samting na i spesol tru.

Taim mipela i ron long dingi arere tasol na lukim ol strongpela man Gogodala i pul kanu na resis em bikipela samting tru.

Sampela olsem 50 na 60-pela man olgeta i sanap antap long bikipela na longpela kanu na pul. Ol i muv wankain stret na kain stail i soim tru olsem ol dispela lain i gat kala na kastom i go wantaim dispela bikipela Gogodala Kanu Festival.

Dispela festival i bin kamap long Balimo taun long las wik Fraide, Me 7 em de Turism Promosin Atoriti i makim na putim long kalenda bilong ol bikipela festival i kamap long hap.

Planti ol wok redi i bin kamap long kamapim dispela bikipela Gogodala kanu festival, na ol wok redi i kisim moa long wanpela mun olgeta.

MP Roy Biyama bringim midia tim long Balimo

Mi bin go long Balimo taun long Fraide moning bihain long mipela i kisim balus long Daru (Ples bilong Baramandi) na flai samting olsem 25-minit i go pun-daun long Balimo ples balus na kisim kar i go stret long Balimo taun. Long dispela taim mipela i flai long balus yet na lukluk igo daun long Balimo na bikipela laik (lake) o raun-wara long sait bilong taun em planti tausen man-meri na pikinini i bung pinis long dispela bikipela Gogodala kanu resis.

Dispela raun bilong midia tim igo olgeta long Balimo em Memba bilong Midel Flai, Roy Biyama yet i stretim na em yet i givim gutpela sapot na helpim long bringim tim igo olgeta long Daru na bihain i go long asples taun bilong em long Balimo.

Long dispela seremoni long Balimo i lukim tu Mista Biyama i bringim Minista bilong Petroleum na Enejji, William Duma long go givim toktok na amamasim ol lain husat i kamapim dispela Gogodala Kanu Festival.

Insait long midia tim mipela yet i makim Kas T, husat em mauswara man ya bilong Yumi FM redio stesin long stap olsem tim-lida, Peter Sea bilong Post Courier, mi yet makim Wantok



Narapela seremoni bilong ol Gogodala long brukim kanu bihain long resis.



Ol meri bilas na ol pipel i wet long Balimo taun long lukim ol kanu resis i kam.

Kanu we i winim Namba-8 Gogodala Kanu resis em 'Imoa' bilong ples Simabo i go sua long arere long Balimo taun. Olgeta Poto: Jivah Sandeman

Niuspepa, Jason Gima Wuri bilong The National, Dora Kinavai wantaim kamera-man Glenn bilong Kundu 2 televisin, Joe Ivaharia bilong Sunday Chronicle na Paul bilong Turism Promosin Atoriti (TPA).

Dispela grup bilong mipela em gutpela grup stret na mipela i amamas long helpim mipela yet na mekim planti ol tok-fani na lap na maski mipela i lusim ples na stap longwe mipela i stap olsem famili stret na amamas gut tru wantaim.

Maski olsem I gat sampela liklik hevi long sait long balus na sampela bilong mipela i stap tupela de long Crows Nest Motel long Daru, mipela i amamas long gutpela pasin ol wokman meri long dispela hap i mekim long sevim mipela. Taim mipela i lusim Daru na I laik go long Balimo, sampela I singaut na tok: “



Madi Hau o" Kalsa bilong Gogodala.

Wankain olsem ol narapela kalsa insait long Papua Niugini, ol Gogodala save bihainim strongpela kastom long redi long dispela bikipela kanu resis.

Dispela kalsa bilong Gogodala i strong tru long bipo yet i kam inap long tude yet.

Tru tumas, planti ol tumbuna stori i stap wantaim dispela

kalsa, stat long diwai ol i save yusim long katim long wokim kanu na tu nem bilong kanu na wanem ol disain.

Ol yangpela strongpela man tasol i save stap long dispela resis, na pastaim long ol i go long dispela kanu resis, ol man save lusim meri na femili bilong ol na ol save go stap ol yet long kem. Dispela kem em ol meri i tambu tru long go klostu long en.

Taim mipela i go kamap, mipela i go stret wantaim ol kamera na ol buk long kisim ripot na kalap wantaim long wanpela moto-dingi na ron antap long wara i go long ples we ol kanu i sambai i stap na redi long statim resis.

Dispela resis i stail moa yet na i skelim stret strong bilong ol lain i pedol long kanu na mekim kanu i ron spit tru.

Kanu we i bin winim resis em Imoa bilong Simabo viles, kanu we i kamap namba-tu em Ki-walema bilong Adipa, kanu we i kam namba-3 em narapela Ki-walema gen bilong Isago viles na kanu we i kamap namba-4 long resis em Aumara bilong Pisi viles.

Brukum kanu bihain long resis

Kastom tu i stap long sait bilong brukim kanu bihain long resis i pinis. Ol lain Gogodala pipel i gat stori long go wantaim dispela seremoni long brukim kanu. Na dispela seremoni long brukim kanu em narapela long kanu resis we i bin kamap pastaim.


Insait long dispela seremoni, ol lida bilong klen bai mekim sampela kain kastom pasin long kapsaitim saksak na putim basket long het bilong husat man em i brukim lo bilong ples o klen na em i marit long klen bilong ol yet. Insait long Gogodala kastom na kalsa, ol meri em bikipela samting tru, na sapos wanpela man i marit igo long lain bilong em yet long sait bilong mama o tumbuna-meri em ol bikman save givim bikipela sem long em long pablik na daunim em tru.

Long las wik Fraide dispela seremoni i bin kamap long pablik na planti long mipela husat i go long Mosbi long lukim festival i guria na sore tu wantaim.

Tru tumas, dispela resis i wanpela kalsa we ol Gogodala pipel mas holim strong yet.

Minista Duma i tok amamas igo long MP bilong Midel Flai, Roy Biyama long putim moa sapot long dispela kanu festival long kamap long promotim tru kalsa na kastom bilong ol Gogodala pipel.

Yes ya, ol Gogodala na Balimo save tok olsem "Awapa bisibini". Dispela i min olsem Noken Bisi tumas em liklik samting tasol. Moabeta yu yet kam long Balimo na kisim filings long lukim Gogodala kanu festival.



NEM: Simon Tawin
KRISMAS: 17 (man)
ADRES: Aiyura National High School, Private Mail Bag, Eastern Highlands Province
SAVE LAIKIM: Mekim pani, pilai spot, harim musik, pilai gita na kibod na go lotu.

NEM: Kelly Mati
KRISMAS: 24 (man)
ADRES: C/- Agro Commodities Ltd, P.O Box 1305, Madang province
SAVE LAIKIM: Mekim pani, kaikai buai, harim musik na danis

NEM: Paul Maneo
KRISMAS: 18 (man)
ADRES: Don Bosco Araimiri Secondary School, P.O Box 159, Kerema, Gulf Province
SAVE LAIKIM: Pilai soka, ritim buk na mekim pren.

NEM: Jemilla Waiks
KRISMAS: 17 (meri)
ADRES: Nagum Adventist High School, P.O Box 54, ESP
SAVE LAIKIM: Go lotu, pilai spots, stori na singsing

NEM: Ben K Simon
KRISMAS: 23 (man)
ADRES: P.O Box 2626, Lae, Morobe Province
SAVE LAIKIM: Pilai soka na volibol, raitim pas na was long nambis

NEM: Henny Aisa
KRISMAS: 21 (man)
ADRES: St Gerards SON, P.O box 7207, Boroko
SAVE LAIKIM: Pilai volibol, harim musik, mekim pren na ritim buk

NEM: Mike Enne
KRISMAS: 19 (man)
ADRES: Niugini International Corporation, P.O Box 102, Kerema, Gulf Prov.
SAVE LAIKIM: Raitim pas, mekim pren na go lotu

NEM: Lydia Tawiah
KRISMAS: 24 (meri)
ADRES: P.O Box AD 179 London, Street, Cape Coast Ghana, West Africa
SAVE LAIKIM: Go lotu, mekim pren, ritim Baibel, mekim wok lotu

NEM: Janet Kialou
KRISMAS: 16 (meri)
ADRES: C/- P.O Box 592, Kimbe, West New Britain Province
SAVE LAIKIM: Pilai spots, ritim buk, mekim pani na harim musik.

NEM: Stanley Marley
KRISMAS: 20 (man)
ADRES: DG Marley, P.O Box 7251, Boroko, NCD
SAVE LAIKIM: Pilai soka, mekim pani, raitim pas, mekim pren na go lotu

Raun wantaim Kanage olgeta wik

Kelema konin Dalu

KANAGE bilong Kerema na em i go stap long Daru. Olgeta taim em i save kaikai ol baramandi na ol gutpela kaikai long maket. Em i tingim ol wantok bilong em na salim sampla go long Douglas Airways. Long taim yet Douglas Airways i save ron i go olsem long POM, Malalaua, Terepo, Kerema, Ihu, Baimuru, Kikori na Daru na save bihainim wankain rot i go bek. Em nau, Kanage putim ol kago na em i ron olsem i go long provinsel afes ofis long Daru long yusim VHF redio long kolim ol wantok long kago i go pinis. Kanage i kirap na tok, "Kelema, Kelema, Kelema! Tis is Talu connin, yu kisim mi tu



o lokat, owa! (planti nois tumas na em i wok long traim yet.) Daru singaut: "Kelema, Kelema, Kelema, Talu connin, yu kisim mi tu o lokat.....owa (over)! Liklik taim tasol na Wantok bilong Kanage i kisim long K taun. Kerema bekim: "Talu, Talu, Talu, tispla em Kelema, lisiving yu laut en c'near...kam inowa! Daru singaut: Locha, locha(roger)..mi laik toktok long Annan (Allan).....owa! Kerema bekim: Plis ilap (inap) yu spell ta lem(name)..owa!...

Daru singaut: Locha, locha ta lem is Annan..."A tapol L A N" (spelling)..alpha..lareva..larev a.. alpha..NEHIA (a**hole in kiwai lingo) Kerema bekim: Ko aheth, ko aheth.....mi tasol Annanowa! Daru singaut: "O sori, plata (brother) for who, yu kisim tu ol Palamanti mi salim lau ona Tuck-les? Kerema singaut: "leketiv, leketiv,leketiv,....Mi kisik pilis totay..tank yu veli mas plata...owa! Daru bekim: Lo walis plata,, lex taim mi salim lata wan fo yu..Talu out! Kerema singaut: Kelema signing off...owa n out. Rimot kontrol bikpela samting "Kes o kad?" Mary askim taim em i putim ol kago blo kas-

toma i go insait long plastik. Em i tok kad na wok long sekim beg long kisim walet bilong em na nogat em i lukim kontrol blo TV i stap insait long bag. Mary askim, "You save karim rimot blo TV raun raun olgeta taim o nogat. "Nogat," Em i tok, "tasol man blo mi les long kam wantaim mi olsem na mi kisim rimot kontrol."

Ol skwat!
Salim ol gutpela Kanage tok pilai i kam long: Kanage Tok Pilai P.O. Box 1982, Boroko, NCD Port Moresby. Email: atolire@wantok.com.pg

Toktok long Laiplain

Dia Laiplain,

Mi gat 18 krismas na mi wokim Gred 11 i stap.

Mi kam long wanpela gutpela famili. Mi namba tu long famili na mi gat 4-pela brata na ol susa.

Mi gat wanpela gelpren i wokim Gret 12 long narapela skul. Em i kam long famili i gat hevi we marit i bruk, tasol pasin bilong em i gutpela, na em yet tu i luknais stret. Mipela i bin stat long poroman taim mipela i stap long Gret 6 yet. Ol papamama bilong mitupela i save long prensip bilong mipela na bikos long mitupela, ol i kamap ol gutpela poroman.

Stat long dispela yia, gelpren ya i wok long abrusim mi. Taim mi ringim em, em i save putim mi long voismel o larim fon i ring i go tasol. Nau mi painimaut olsem em i senisim fon namba bilong em.

Mi wari tru nau ya. Mi no inap stadi gut bikos tingting bilong mi i no stap stret. Papamama bilong mi i lukim dispela na ol i wok long givim ol gutpela sapot toktok long mi tasol dispela i no helpim mi liklik.

Plis Laiplain, helpim mi!

BROKEN HEARTED

Dia Pren,

TENKYU long yu yet i laik kisim helpim long stretim hevi yu gat long em na rait i kam long Laiplain long kisim helpim.

Yu gat wari long prensip bilong yu wantaim meri bikos yutupela i bin save long wanpela narapela long Gret 6 yet. Nau yu stap long Gret 11. Gelpren bilong yu i no toktok long yu na i wok long abrusim yu, maski yu traim bes long toktok long em. Na em i senisim telepon namba bilong em tu.

Papamama i bin save long prensip bilong yutupela. Na bikos long dispela wari yu gat long en, tingting bilong yu i no stap long skul wok. Papamama i luksave long wari na ol i laik sapotim yu, tasol yu no amamas wantaim sapot ol i givim.

Pren, mipela i save olsem yu no stap gut bikos yu no inap long lukim o toktok long lewa stret bilong yu. Tasol mipela i laik tok olsem ol pilings na wari yu gat long



em nau em planti ol yangpela i gat long em. Mipela i save kisim ol wankain pas olsem long planti ol yangpela long olgeta hap bilong kantri.

Mipela i wok long tingting olsem wanem na ol tokstia we papamama i givim long yu. Planti papamama i laikim ol pikinini bilong ol na ol i laikim bai ol i gat gutpela laip long bihain taim. I moabeta long yu painim taim long sindaun wantaim ol na harim ol wantaim ol stiatok bilong ol. Kain hevi we yu wok long bungim nau, em ol i save long en na ol yet tu i mas bungim sampela long ol pinis. Olsem na mipela i bilip planti yia ol i gat na ol eksipiens long prensip na marit i ken helpim yu.

Pren, i gat planti as tingting long pipel i mekim ol samting ol i mekim long en. I mas gat as tingting na gelpren bilong yu i no laik toktok long yu. I moabeta long yu tu i painim taim long sindaun isi na glasim prensip bilong yutupela na tingting long rot we yutupela i ken toktok wantaim em. Sapos em i skul yet, ating em i mas luksave olsem em i lusim bikpela taim long prensip bilong yutupela na em i no tingting tumas long mekim ol skul wok bilong em. Na dispela i stopim em long gol bilong em o wanem samting em i laik mekim long bihain taim. Na yu yet pren i olsem wanem? Yu ting olsem wari tumas long gelpren bilong yu bai helpim yu inapim ol gol bilong yu long edukesen?

Mipela i laikim bai yu lukluk na tingting gut long dispela tripela wod. Em long – laik pasin (love), laik long slip wantaim narapela (lust) na strongpela sotpela taim laik pasin (Infatuation). Lukluk long mining bilong ol na skelim wantaim ol as tingting bilong yu long pren pasin wantaim gelpren bilong yu. Yu gat trupela laik pasin? Em i orait long gat gelpren tasol yu mas kontrolim lewa bilong yu na i no mekim ol samting o no stret taim yu stap olsem yangpela i stap yet long

skul.

Papamama bilong yu i tromoim bikpela mani long skul bilong yu na mipela i bilip olsem ol i laikim yu long skul gut, pinisim gut skul na kisim wok. Olsem mipela i tok pinis, mipela i bilip olsem God i gat plen long taim na as long ol samting i kamap long laip bilong yumi. Na em i mekim i kamap bikos long gutpela bilong wan wan man. Long dispela taim yu no lukim gelpren bilong yu, em i gutpela taim long glasim na skelim ol as tingting na rot we yu wok long go long em taim yu na gelpren i wok long strongim prensip bilong yutupela.

God i laikim yu na i laikim bai yu gat gutpela laip na mipela i bilip olsem wankain tu long ol papamama bilong yu. Mipela i enkarijim yu long bilip long God na em bai soim yu gutpela rot. Ritim buk bilong Proverbs 3:5&6. Na yu kisim sapot long ol papamama bilong yu o sios pasto o kaunseling ogenaissen klostu long yu.

Plantu yut i no wokim gut na ol i drop aut long skul bikos ol i no

mekim samting stret long skul gut. Na nau ol i no mekim wanpela gutpela samting we bai helpim ol long gutpela bihain taim bilong ol, tasol ol i wokim ol bikhet pasin i stap long ol famili na komyuniti bilong ol. Dispela em bikos ol i no laik harim gut stiatok bilong papamaam na ol skul. Planti i wok long kamap birua wantaim ol papamama na ol famili, lo na ol i go long kalabus. Yu laik kamap olsem?

Pren, sapos yu laikim moa helpim, go long ol lain mipela i givim nem antap pinis na tu, yu ken wokim apoinmen long kam lukim mipela taim yu gat taim.

Pren bilong yu Laiplain

Sapos yu gat wari o hevi, rait i kam long dispela etres: Lifeline

Counselling Services, P O box 6047, BOROKO, National Capital District, PNG. Yu ken ringim opis long telefon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani.

Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laiplain

Painim Tok!

Raitim daun wanem pani samting yu ting i gutpela insait long babol long poto...

Salim Plis Kol Mi em, *126 yah!

No mami! *127# yah!

Paol paol stap! Mobail bai lok stret!

BAI YU WINIM WANPELA WANTOK T-SIOT O LADLAD!

Salim i kam long: Pani Toktok Kompetisen, P.O. Box 1982, Boroko, NCD Port Moresby. Sapos mipela i lukim wanem samting yu raitim i gutpela bai yu winim wanpela Wantok T-Siot o lelap na bai mipela i putim i go insait long pepa.

Wina bilong dispela kompetisen em: Hazel Sakail, P.O. box 950 Wewak, ESP

Mobail: 9761 72 28/ 729 5845

RADIO AUSTRALIA TOK PISIN PROGRAM	
HARIM LONG: 101.9 FM	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Spots
7.30PM	Nius na Karen Afecas
8PM	Helt
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE - Moning - Nait	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afecas
8PM	Mama Graun
8.15PM	Musik/Spots
8.30PM	NIUS
8.40PM	Helt Riplei
8.55PM	Musik
9PM	Stesen Pas
TRINDE - Moning - Nait	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afecas
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE - Moning - Nait	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afecas
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE - Moning - Nait	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afecas
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE - Nait	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
SANDE - Nait	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Femili Blong Serah (Radio Plei)
8PM	Lukluk Bek Long Wkik
8.30PM	Nius
8.40PM	Musik/Chit Chat
9PM	Stesen Pas

[illegible]

TORO



BIABIA



KANAGE



TOKWIN

Bara Bar welkam long
Mosbi nius-lain

Ol niusman bilong Mosbi i bin
 kisim gutpela welkam tru long
 Bara Bar long Daru Ailan. Bikpela
 ren na balus ino kisim ol igo long
 Balimo taun long las wik Tunde,
 atasol liklik malolo long Daru taun
 i nais tru. Ol I stap kisim win na
 amamas long Bara Bar na tu gat
 sans long harim naispela musik
 bilong Daudai long Crows Buzz.

Abus pulap long Daru

Tru tumas, abus i pulap kapsait

stret long Daru maket. Bikpela
lek pike em K5 tasol na mit bi-
long trausel, dugong na dia mit
em planti tru. Nogat planti gaden
kaikai. Saksak i pulap na wanpela
kain stail kaikai bilong ol dispela
lain 'Bala' bilong Daru em ol i
kolim 'Isidor'. Na dispela em mit
bilong trausel ol i miksik wan-
taim saksak.

Daru 'Madi Hau o'

Planti ol stail toktok i kamap
taim ol manmeri long Daru i lukim
ol niusman bilong Mosbi long
Daru Ailan. Sampela i singaut
'Madi Hauo'. Yes dispela tok i
min 'laikim yu nating tru'. Yes

tru tumas, Daru em ples tru bi-
long baramandi pis na em pulap
kapsait stret long Daru.

Balimo gat stail 'Awapa Bisibini'

Balimo tu em i gat stail bilong em
yet. Maski em planti tais o
'Swampy' ol niusman i amamas
long lainim tok-ples ya em
'Awapa bisibini'. Mining bilong
en em 'Noken bisi tumas, stap
wantaim yu'

Tokwin Tasol...

EMTV Television Guide

[illegible]

T	O	Y	O	T	A	T	L	O	E	R	I	K	U	Z	U	S
R	I	S	E	N	I	P	T	U	J	L	I	B	D	C	E	S
M	K	A	W	A	S	A	K	I	H	K	I	O	L	R	E	I
E	I	A	S	D	R	E	G	E	R	H	A	F	E	N	I	P
R	A	T	R	Y	M	O	N	K	A	S	D	T	E	R	T	S
C	W	I	S	T	S	A	P	E	R	M	N	B	R	A	V	O
E	D	R	I	U	D	M	A	N	S	I	U	N	E	A	R	N
D	P	E	F	S	B	I	K	E	R	O	A	R	I	N	G	I
E	E	A	W	A	S	I	T	P	R	F	O	M	A	S	S	H
S	H	D	I	N	J	A	S	H	E	A	R	I	N	B	L	I
T	C	O	S	A	C	M	Y	H	P	R	I	K	L	Y	U	M
R	U	I	N	B	S	K	L	I	I	P	N	C	H	R	I	S
E	R	G	O	D	L	Y	E	T	T	E	N	A	V	I	L	E
I	J	E	A	R	A	N	D	R	I	F	T	M	S	A	U	S
D	Y	N	A	O	M	I	C	A	L	I	S	M	Y	S	O	R
U	O	F	D	F	I	X	M	E	S	T	E	R	O	N	I	O
A	D	Z	A	M	I	O	V	O	L	K	S	W	A	G	O	N

Painim oi dispela nem bilong kain kain kar na motobaik:

TOYOTA	MAZDA	NISSAN	MITSUBISHI	VANETTE
SPRINTER	HINO	MACK	VOLKSWAGON	KIA
MERCEDES	FUSO	KIJANG	HONDA	KAWASAKI
SUZUKI	SUBARU	FORD	BRAVO	AUDI

		9		5	3		7	4
5			7	2			6	3
7	2	3		8		9	5	
					1			2
		2				4		
4			2					
	8	6		1		5	4	7
9	7			3	8			6
2	1		6	7		3		

6	1	7	3	2	4	5	8	9
4	2	3	5	8	9	7	1	6
5	8	9	7	6	1	4	3	2
2	6	5	1	4	7	3	9	8
1	9	4	8	3	6	2	5	7
3	7	8	9	5	2	6	4	1
8	4	2	6	1	3	9	7	5
7	3	1	2	9	5	8	6	4
9	5	6	4	7	8	1	2	3

Ansa bilang las wik Sudoku

T			S	T	O	R	I	T	U	M	B	U	N	A	A
	U		P	T	I	T	B	I	L	O	N	G	P	I	K
			M	I				S							A
			A				I			M					N
E				R		N		T			A				A
N					A				E				S		B
A				D		S			S				M		
B	L	U	P	A	K	N	I	K	S		N				A
M						G			T		A				S
A	A					R		E					T		
K		L				A	K							P	
	U		O			S				A	N	I	S	A	N
P	E	N	I	M	S	K	I	N							L
			D	A		U	S	E	L	K	A	M	B	A	N
			R	U		M		A	T	I	R	A	M	F	I
			S				U								
S	A	L	I	B		L				K	A	N	G	A	L

**Ansa
bilang
las wik
Pasol**

SEIF WEI LONG PLANIM BODI NA KAMAPIM FINEROL TAIM MAN I DAI LONG SIK KOLERA O PEKPEK WARAA...

1. Sapos yu holim bodi bilong daiman, wasim han wantaim wara na sop bipo yu stretim o kukim kaikai...



2. Taim long haus krai, no ken holim tumas bodi bilong daiman. Sindaun longwe long bodi bilong daiman...



3. Pasim gut bodi long stopim sik Kolera long kamaut na planim bodi hariap tru...



4. Noken hariap long mekim kaikai long rausim haus krai inap i go sik Kolera i pinis long komyuniti...



5. Planim o kukim o boylim ol betsit bilong daiman. Ol kolos na bedsit bilong daiman i ken karim binatang bilong sik kolera sapos yu no kukim ol o boylim...

6. Taim yu laik karim bodi i go long narapela ples, karamapim gut bodi na pasim gut kofin, bipo yu putim antap long kar o trak...



Se Puka givim K38 000 long NARI

Clifton David Gwabu i raitim

DEPUTI Praim Minista na Memba bilong Abau Se Dokta Puka Temu i tok orait long givim K38 000 i go long Nesenel Agrikalsa Risets Institut (NARI) long Laloki long mekim sampela wok long distrik en long Abau.

Em i kisim dispela mani long mekim wok bilong agrikalsa aninit long Distrik Sevises Impruvmen Progrem (DSIP) bihainim tok orait bilong Join Distrik Plening na Baset Praioriti komiti long en.

Dispela tok orait i kamapim bi-

hainim Epril 21, 2010 kibung long Kupiano stesin na mani i bilong kamapim sampela ol agrikalsa risos senta.

Long taim bilong tok orait long dispela ol mani, Se Puka i tok amamas long wok em NARI i mekim aninit long risets-bilong-developmen (R4D)

Se Puka i wari liklik long kaikai bilong graun we i wok long lus na i hat long ol kaikai i gro gut na wok painim progrem bilong institut we i stat long Aroma Kos i gutpela long wanem em i ken helpim ol manmeri long wanem samting ol i mas

mekim long kamapim gen gutpela graun bilong planim ol kaikai.

Long taim bilong kibung, Clifton David Gwabu bilong NARI long Sauten Rijinel Senta i givim mani plen bilong senta i go long Se Puka na JDP na PBC memba bilong en.

Mista Gwabu i tok tenk yu long Se Puka na ol memba bilong JDP na i tokim ol olsem dispela mani bai helpim ol long skruim R4D wok long ol senta long Abau.

Long taim em i tok tenk yu em i tokaut tu long wok em institut i mekim long bipo, nau na plen bilong bihain taim.

Em i tok bipo NARI i wok long mekim wok tasol long Merani long Cloudy Bay lokel level gavman (LLG) ples na long Egalauna long Aroma LLG tasol nau wantaim dispela mani ol bai skruim wok i go long Amazon Bay LLG na sampela moa hap bilong Aroma na Cloudy Bay LLG.

Gwabu i tokaut tu olsem NARI long dispela taim i kamapim wanpela traim progrem na i singaut long Laip Long Lening bilong ol fama (L3F) long Abau distrik.

Dispela mani plen i kamap bihainim askim bilong Isoa Damai,

wanpela bisnis mausman long Abau JDP na BPC husat i lidaman bilong ol fama long Merani.

Mista Damai i askim NARI long putim mani plen bilong ol long wok ol i laikim long em na givim long em we Damai i givim long JDP na BDC na komiti i tok orait long em.

I nogat mani plen bilong distrik stret long givim long NARI tasol kain wok bung na save long wok bilong narapela na arapela i helpim tupela grup long kamapim ol projek.

Ol yangpela kisim trening long wok agrikalsa

John Bocosou i raitim

NESENEL Agrikalsa Risets Institut (NARI) bilong Ailan Rijinel Senta long Kerevat, Is Nu Britan i ronim wanpela agrikalsa trening bilong ol yangpela long las mun.

Dispela trening i lukluk long ol yangpela husat i stap long Kerevat na i go long ol lain husat krismas bilong ol i wankain long ol i gat tingting bilong developim agrikalsa.

Ol i lainim tu wok bilong lukautim taro na ol binatang we i save kaikaim taro na bagarapim.

Wantaim dispela ol i lainim tu pasin bilong yusim fangisat, kumu o kapis na ol arapela saior long neserai.

Dispela em long taim ol i liklik yet i go bikpela.

Ol yangpela i lainim tu ol rot bilong lukautim ol kakau olsem putim long neseri, planim, lukautim i gro bikpela na prunim.

Inap olsem 20 man-



WOKIM OLSEM: John Bocosou i soim ol yangpela long rot bilong mekim wok.

meri ikamap long dispela trening. Olgeta i soim laik long dispela trening.

Namel long dispela ol treni em sampela ol papamama husat i kamap olsem kansola

bilong ol yangpela.

iGaid Ling, NARI saintis long Kerevat i tok ol sumatin i ken pas gut long dispela ol skul toktok sapos ol i putim long praktis.

"Dispela liklik trening

em yupela i kisim bikpela samting long laip."

"Taim yu lain yu bai save long mekim ol samting na dispela bai helpim yu gut long laip bilong yu," Ling I tok.



Manmeri baim moa Toyota Corolla

MOA manmeri i wok long baim Toyota Corolla long wol long dispela taim.

Mak bilong Toyota i salim ol ka bilong en i soim olsem Corolla i model em planti manmeri i baim long em.

Dispela gutpela mak bilong Corolla i stat long las yia na i kam inap long dispela taim.

Inap olsem 908,661 draiva i putim nupela Corolla olsem ka ol i laik draivim long em.

Na dispela i lukim kampani i salim olsem 127, 500 ka em ol i salim na dispela i lukim em I stap 16.3 pesen longwe long narapela ol ka o model we ol manmeri i baim long em.

Toyota i gat plen long apim mak bilong salim Corolla i go antap na dispela bai kamap taim kampani i mekim nupela fektori bilong en long Saina long 2012 taim em i mekim inap olsem 100,000 ka.

Tupela narapela Toyota ka nau i stap klostu long mak bilong Corolla long ol manmeri i baim na dispela em long Toyota Camry (namba 6 ples wantaim 679,117) na Yaris (10 ples wantaim 466,267 ka).

Dispela i bihainim tasol mak em wan wan ol ka kampani long wol i save mekim long salim ka bilong ol.

Ikonomik fokasta HIS Global Insait i kamapim dispela rekod bilong 2009 na dispela i kamap lbong Forbes magasin.

Planti bilong ol Corolla em ol i wokim long as ples Siapan.

Na kampani i tok bihain long em i kamap 44 yia em i kamapim 9-pela ol model ka na Corolla i wanpela bilong ol.

Long wol long dispela taim kampani i wok long salim olsem 32 milion ka long wan wan yia na Papua Niugini i wanpela bilong ol.

Safety Clothes

Safety Vests

Raincoats

Long/Short Sleeve shirts
With/Without Reflectives

Gloves

Industrial Work Clothes

Embroidery service

BISHOP BROTHERS NATIONWIDE

www.bishopbros.com.pg

Email: sales@bishopbros.com.pg

Wokbung na sapot wantaim mani bai helpim wok bilong agrikalsa

Soldier Buruka i raitim

PABLIK praivet patnasip na sapot wantaim mani long karim ol samting bilong agrikalsa long mekim wok bai helpim gut agrikalsa sekta moa long sait bilong planim ol samting.

Sapos dispela wokbung i no stap wok bilong agrikalsa bai no inap kamap strong.

Westen Provins Samba bilong Komes na Industri eksekutiv na siaman bilong PNG Raba Industri Bod Warren Dutton i mekim dispela tok long las CIMC Sauten Rijinel Developmen bung long Popondetta.

Mista Dutton i tok ol gavman bilong bipo i kamapim polisi long sait bilong helpim wantaim mani long salim ol samting bilong agrikalsa tasol ol manmeri i karim aut dispela tok.

Long dispela em i askim long wanem as na Gavman i no kari-maut yet ol askim bilong Nesenel Agrikalsa Kaunsil na CIMC Nesenel Developmen Forum long ol toktok bilong helpim wantaim mani na karim ol samting bilong agrikalsa i go long ol ples long kantri.

Em i tok sapos kain wokbung i no stap ol manmeri bilong ples bai kisim bikipela taim na sindaun bilong ol i

no inap gutpela,

"Nau em i taim bilong helpim long kamapim ol wok long agrikalsa sekta.

"Sapos mipela i no mekim wanpela senis olgeta samting bai stap wankain na sindaun stap bilong ol manmeri na infra-straktsa na sevis we bai mas kamap go bagarap.

"Mi sapotim tingting bilong gavman long kamapim pablik praivet patnasip long bringim developmen i go long ol manmeri.

"Na sapos ol i laik bai dispela polisi i karim kaikai orait nau na dispela em i taim ol i mas mekim samting stret," Mista Dutton i tok.

Em i tok planti ol

keskrop olsem kakau, kopi, kokonas, raba na sampela moa i wok long bagarap bikos ol manmeri i nogat mani long baim rot long go.

Em i givim piksa long Westen Provins i wanpela long ol ples i bungim dispela hevi we ol manmeri i no inap long baim rot bilong ol long salim samting bilong ol.

Em i tok long 18 yia OTML i save sasim ol manmeri long 25 toea long wanpela kilo long karim samting bilong ol manmeri long sip na go long sip na salim long Mosbi o long Kwinslen.

Tasol nau ol i sasim long 43 toea long wanpela kilo.



WELKAM: Ol manmeri i welkamim Warren Dutton (waitpela siot) na deligesen bilong en taim ol kamap long CIMC Sauten Rijinel Developmen Kibung long Comfort Hotel long Popondetta.



DIGIM KAUKAU: Ol meri Lihir Ailan long Nu Ailan Provins em Hellen Komkombe, Carolyne Tambarie na Emma Apool husat i sumatin long Hailans Agrikalsa Kolis long Westen Hailans Provins i kisim skul long planim na lukautim kaukau.

Manmeri we maining i kamap i kisim skul

Soldier Buruka i raitim

OL MANMERI we maining i kamap i wok long go long wan wan ol kolis long kisim skul bilong mekim wok.

Dispela kain wokabaut i bihainim tok orait (MoA) we i save kamap namel long ol developa na Main-ing Dipatmen na ol papagraun.

Na dispela i no nupela samting taim sampela Lihir gol main i salim olsem 10-pela manmeri i go skul

long Hailans Agrikalsa Kolis long Westen Hailans Provins long kisim skul long mekim wok agrikalsa.

Dispela ol manmeri i wok long yusim gut dispela sans ol i kisim long lainim samting long kolis.

Long dispela ol manmeri 6-pela em ol man na foapela i meri.

Long dispela foapela i pinis long Gred 10 na olgeta meri wantaim tupela man i bin pinisim tasol Gred 8.

Dispela ol 10-pela

sumatin i mekim namba wan yia bilong ol na narapela meri husat i mekim namba 11 sumatin long dispela hap i mekim namba tu yia bilong en long Kolis.

Ol sumatin i tok amamas long sponsa bilong ol. Lihir Sastenibel Developmen Oganaisesen long givim ol luksave long ol na salim ol long kisim kain trening olsem.

Ol i tok bipo ol papagraun i save lukluk tasol long salim ol manmeri i go kisim skul long mekim wok maining tasol.

Tasol dispela nau i senis bikos ol i luksave olsem maining bai stap sampela yia tasol na pinis na wok agrikalsa bai stap yet.

Long dispela as ol i salim ol i go skul long Gavman Hailans Agrikalsa Kolis long kisim skul bilong mekim wok agrikalsa.

Em i tru olsem ol i lusim longwe ples bilong ol long Lihir tasol nau ol i wok long sindaun na save gut long stap long kol ples na nau i wok hat long kisim setifiket bilong ol long agrikalsa.

Long dispela ol i lainim ol samting bilong krop prodaksen, laipstok prodaksen olsem pigeri, poltri, smol ruminens na kau, rurel laip developmen, projek menesmen na komyunikesen.

Dispela grup bai greduet long narapela mun, Jun.

Ol i tok ol i save long kain sindaun i kamap long

wok bilong maining na long wankain taim tu i save long sindaun ol bai sindaun long em.

Bikos long wari ol papagraun i stap long bihain sindaun bilong ol i mas mekim sampela samting long sapotim laip bilong ol na pikinini bilong ol long bihain taim.

LO kampani i putim hop bilong en long ol yangpela long mekim senis long strongim ol manmeri na bihain taim.

Long taim ol sumatin i pinisim skul ol bai go bek na lainim ol manmeri long planim kopi, ol samting bilong gro long wara na kamapim ol bikipela kumugaden.

"Olsem mipela i skul liva mipela i lukim mipela olsem mipela bai helpim ol manmeri bilong mipela long rot bilong mekim wok long agrikalsa."

"Planti taim ol manmeri i lukluk long kisim opis wok tasol."

"Tasol mipela i ting mekim wok ausait long opis olsem wok didiman, kapenta na mekanik i gat nem tu."

"Dispela em long helpim tru ol manmeri bilong mipela," ol i tok.

Wantaim dispela ol sumatin em i gat narapela ol sumatin long Porgera husat Memba bilong ol Philip Kikala i sponsaim long go skul long Hailans Agrikalsa Kolis.

Dipatmen redi long hani binen de

Soldier Buruka i raitim

LAIPSTOK Developmen Korporens Limited wantaim ol poroman bilong en i wok long redi long bikipela de long amamasim hani binen (bi) de.

I gat hop olsem dispela de bai kamap long pinis bilong dispela mun o long stat bilong narapela mun em long Jun.

LDC menesing dairekta John Akiye i tok long dispela wik olsem ol bai holim wanpela fil de na semina (kibung) na dispela em long skruim woksop ol i bin holim long Mas dispela yia.

Em i tok dispela woksop i kamap gut na olsem ol i amamas long en na i hop long holim bikipela moa long narapela yia.

Ol manmeri husat i kamap

long dispela woksop em long ol fama bilong binen wantaim ol produsa husat i kamapim hani, ol manmeri husat i save baim, ol saplaia, gavman opisa, jeneral wokmanmeri long industri na ol skul.

Mista Akiye i tok ol toktok i kamap bihain long dispela de bai go long ol manmeri husat i go pas long industri na Dipatmen bilong Agrikalsa.

Oganaising komiti i wok long stap na i redim program long amamasim dispela de.

Komiti i gat mausman bilong LDC, Dipatmen bilong Agrikalsa na Laipstok, Nesenel Agrikalsa Risets Institut, Nesenel Agrikalsa Kwaritain na Inspeksen Atoriti, Hailans Fama, Setelas Asosiesen, Kalsa Turisim Ministri na ol bikipa bilong Isten Hailans Provins.



SWITPELA HANI: Ol hani fama long Goroka, Isten Hailans i soim hani botol bilong ol wanpela bipo bung bilong hani de.



TAITIM BUN: Rangers fowet, Johnson Kuike i redi long bungim strongpela banis bilong ol Vipers long raun wan bilong bemobile kap resis long Mosbi las wik Sande. *POTO: Nicky Bernard.*

TRENING: Profesenol boksa, Kartu Arang i wok long redi long pait bilong em long Perth, Westen Australia long pinis bilong dispela mun. *POTO: Team Arang.*

RESIS: Wanpela pilaia bilong BSP (sanap pas) na pilaia bilong IPA i pait long kisim bal long praivet kampani netbol gem bilong ol las wik Sande long Mosbi. *POTO: Nicky Bernard.*

SPOTS DRO

Port Moresby Rugby Football Union
Wik 6 dro
Sarere Me 15, 2010.

Bava-Pilaia graun 1			
9:00amU20	Wanderers	vs.	Harlequins
10:20amB	Wanderers	vs.	Harlequins
11:40am B	Brothers	vs.	Chiefs
1:00pmA	Wanderers	vs.	Harlequins
2:20pmA	Brothers	vs.	Chiefs
3:50pmPrimia	Wanderers	vs.	Harlequins

Bava-Pilaia graun 2			
9:00amU20	Brothers	vs.	Chiefs
10:20am U20	University	vs.	Defence
11:40am B	University	vs.	Defence
12:50pmMeri	Harlequins	vs.	Lasalians
2:20pmA	University	vs.	Defence
3:50pmPrimia	University	vs.	Defence

Sande Me 16, 2010

Bava-Pilaia graun 1			
9:00am	U20 Lasalians	vs.	Hunters
10:20pmB	Lasalians	vs.	Hunters
11:40pm Meri	Sisters	vs.	Wanderers
12:50pmA	Lasalians	vs.	Hunters
2:20pmPrimia	Chiefs	vs.	Brothers
3:50pmPrimia	Lasalians	vs.	Hunters

Bava-Pilaia graun 2			
10:00amU20	Kone	vs.	Royals
11.20pm B	Kone	vs.	Royals
12.40pmMeri	Defence	vs.	Royals
1.50pm A	Kone	vs.	Royals
3.20pm Primia	Kone	vs.	Royals

Bai: University meri.

TOKSAVE: Salim ol spots dro bilong yu kam long Feks; 325 2579, e-mel; amoln@wantok.com.pg o kam lusim long Wantok Niuspepa opis long Central Waigani, NCD.

KALAP: George David bilong Post Courier i go antap na traim long paitim bal i go abrusim Wala Vavine bilong Patriots long NCD volbol primia gem bilong ol las wik Sarere long Mosbi. *POTO: Andrew Molen.*

Dragons laikim Gasnier i kam bek

OL nius ripot i tok olsem bipo St George Illawarra senta, Mark Gasnier i redi long kam bek long NRL dispela sisen.

Long wankain taim, ol Dragons tu i tok ol i laikim em i go bek na pilai wantaim ol gen.

Gasnier i bin lusim NRL tupela yia i go pinis na i go pilai ragbi yunion wantaim Stade Francais long Frens na nau em i laik kam bek.

Gasnier i laik kam bek wantaim meri bilong em, Claudine husat papa bilong em i gat sik kensa.

Ol dispela ripot i tok Gasnier i gat laik long kam bek na pilai wantaim Dragons o narapela tim bipo long Jun 30 dispela sisen.

Tasol Gasnier bai pilai wantaim narapela tim sapos ol Dragons i tok orait bilong wanem ol i bin pasim tok taim em i lusim ol long 2008 olsem sapos em i kam bek long NRL bipo long 2012 bai em ino inap pilai wantaim narapela tim.

Wanpela mausman bilong Dragons i tok ol i wok long bung wantaim ol bikman bilong NRL long painim rot long kisim Gasnier i go bek insait long pilai aninit long prais bilong ol long dispela yia.

Ol i tok Gasnier em i wanpela gutpela pilaia na bai helpim tu long apim levul na tu nem bilong gem.



KAM BEK: Gasnier bai pilai gen long NRL dispela sisen.

Tupela brata makim Blues


JOSH na Brett Morris i gat tingting long pilai bi-long NSW Blues long State of Origin resis dispela yia.

Tupela wantaim i wok long kamapim strongpela gem bilong tim bilong ol we i lukim Brett i go pas long Josh long putim moa trai.

Tasol Josh husat i save pilai wantaim Bulldogs bai no inap pilai tupela wik bi-long wanem em i gat bagarap long bun long ai bilong em.

Em bai kam bek tupela wik bipo long namba wan State of Origin pilai na i bilip yet olsem em bai gat sans yet long pilai insait.

Na taim Josh i malolo i stap, Brett bai paia long wing bilong ol Dragons i stap long traim na winim wanpela ples insait long Blues skwat tu.



RESIS: Tupela brata i resis long stap insait long Blues skwat.



SPOTS DRO

RAUN 10

14 - 17 ME 2010

Gem bai ol pilai dispela wik



Broncos **V^s** Titans



Bulldogs **V^s** Dragons



Raiders **V^s** Storm



Roosters **V^s** Knights



Eagles **V^s** Eels



Sharks **V^s** Panthers



Warriors **V^s** Cowboys



Tigers **V^s** Rabbitohs



Raun 8 Leda

	Tim	W	L	D	B	Pts
1	Dragons	7	2	0	0	14
2	Titans	7	2	0	0	14
3	Eagles	6	3	0	0	12
4	Panthers	5	3	0	1	12
5	Rabbitohs	4	4	0	1	10
6	Eels	4	4	0	1	10
7	Tigers	4	4	0	1	10
8	Roosters	5	4	0	0	10
9	Bulldogs	3	5	0	1	8
10	Warriors	3	5	0	1	8
11	Raiders	3	5	0	1	8
12	Knights	3	6	0	0	6
13	Broncos	3	6	0	0	6
14	Cowboys	3	6	0	0	6
15	Sharks	2	6	0	1	6
16	Storm *	6	3	0	0	0

* Ol I rausim olgeta poin bilong Melbourne Storm bilong 2010 sisen.

Gaming Board sapotim PNG long ol bikpela gem

Andrew Molen i raitim

NATIONAL Gaming na Control Board (NGCB) em i wanpela bikpela sponsa bilong tim PNG na PNG Sports Federation (PNGSFOC) long ol bikpela gem.

Nau em i helpim ol gen long go long Commonwealth gems long India.

Ol i givim K226, 263.64 i go long PNGSFOC bilong dispela long Mande dispela wik long Mosbi.

Las yia NGCB i givim K1.5 milien long PNGSFOC long helpim ol i winim tok orait bilong kisim 2015 Pasifik gems i kam long PNG.

Bihain ol i givim narapela K1.5 milien long PNGSFOC long helpim PNG tim i go long Mini Pasifik gems las yia tu.

"PNGSFOC i givim olgeta



ripot bilong ol na mipela i amamas long olgeta samting i stap insait long en olsem na

nau mipela i amamas long givim dispela helpim gen," Graham osbourne bilong PNG

Sports Trust husat i makim maus bilong NGCB i tok.

Presiden bilong PNGSFOC,

Sir Henry ToRobert i tok amamas long helpim bilong NGCB olsem em i wanpela bikpela samting we i save helpim gut nesenel tim bilong PNG.

"NGCB bai sapotim spots long PNG yet na dispela helpim i ken strongim tim long go long dispela bikpela pilai," Osbourne i tok.

Dispela mani bai helpim tim PNG long redi tu long 2011 Pasifik gems long Nu Kaledonia na 2015 Pasifik gems long PNG yet.

Inap olsem 120 pilaia na ofisol bai go makim PNG long Commonwealth gems long Ogas dispela yia.

PNG bai stap insait long netbol, ragbi sevens, etletiks, swimming, boksing, lon bols, skwas na wetlifting.

Long pilai bilong ol turangu (disability sports) em etletiks na pawalifting tasol.

Vipers statim gut sisen



STRONGPELA GEM: Wanpela Vipers pilaia i traim long rausim birua bilong em. POTO: Nicky Bernard.

Andrew Molen i raitim

STOP 'N' Shop Vipers i statim gut bemobile kap sisen bilong ol wantaim bikpela win agensim Masta Mak Rangers las wik Sande long Mosbi.

Vipers i bin win 48-18 agensim wanpela strongpela Rangers tim.

Kepten bilong Vipers, Eki Ene yet i go pas long dispela gem we i lukim em i putim tupela trai na helpim long mekim narapela tupela trai kamap.

Kepten bilong Vipers

long 2009. Jonathan Wangano i bin tok olsem tim bilong em i gat strongplea tingting long apim gem bilong ol dispela yia na dispela kain stat em i wanpela samting Wangano i bin toktok long en.

Long wankain taim las yia Rangers i bin daunim Vipers na nau ol i bekim dispela dinau.

Long ol arapela pilai, Gurias i winim Lahanis 38-20, Muruks i daunim Bombers 36-16 na Mioks i bagarapim Kurisa 30-0.

Storm bai no inap les

2010 SISEN bilong Melbourne Storm i pinis tasol ol i tok ol bai no inap givap o les long pilai yet.

Kosa bilong ol, Craig Bellamy i tok dispela 36-14 lus bilong ol agensim Broncos las wik Sande ino min olsem ol i les long pilai nau na bai stat long lus.

"Mipela save kain taim bai kamap we bai daunim mipela liklik tasol dispela lus bai no inap daunim mipela olgeta," Bellamy i tok bihain long gem.

Wanpela as bilong lus bilong ol em planti bilong ol Storm pi-

laia i bin kam bek bihain long ol i pilai bilong Australia agensim Nu Silan long Fraide nait na tu kepten, Cameron Smith i kisim bagarap na ino pilai.

Tasol long wankain taim planti manmeri askim yet sapos ol Storm pilaia i wok long les bilong wanem ol i save olsem ol ino pilai long wanpela samting dispela yia.


"Mi no save long bekim dispela askim bilong wanem mipela i pilai nating i stap na i nogat samting long strongim tingting bilong mipela," fulbek,

Billy Slater i tok.

"Yu yet i mas painim sampela samting long apim yu long pilai strong tasol sampela wik bai yu pilim daun na sampela wik bai yu pilim antap," em i tok.

Cooper Cronk i tok amamas bilong ol olsem wanpela gutpela tim em wanpela samting we i save strongim em na planti ol arapela wanpilai bilong em long strongim gem bilong ol.

"Mi no save mipela bai pilim olsem wanem 10-pela wik bihain long nau tasol mipela bai pait yet," em i tok.



GO YET Cronk i tok ol i pilai long amamas bilong ol na ol nem bilong tim.

Tabubil soka amamasim Hekari

TUPELA wik bihain long ol i winim O'lig fainol, planti ol manmeri, pilaia na sapota bilong soka i amamas yet long Hekari United.

Presiden bilong PNG Football Association na tu Sinia Vais Presiden bilong Oceania Football Confederation, David Chung i tok amamas long ol.

Siaman bilong National Soccer League (NSL), John Kapi Nato, bosman bilong Telikom, Peter Loko na tu nesenel yut spots kodineta bilong PNG Sports Foundation na bipo soka pilaia na kosa, Scott Vavine tu i givim tok amamas bilong em long tim.

Wanwan manmeri tu i amamas long Hekari long wanwan rot bilong ol yet tasol nogat wanpela soka asosiesen insait long kantri givim tok amamas bilong ol long tim yet.

Hia nau em tok amamas bilong Tabubil Soccer Association (TSA) husat ol em namba wan asosiesen long mekim.

"Presiden bilong Tabubil Soccer Association wantaim 13 klap bilong en i laik givim tok amamas bilong em i go long Hekari long win bilong ol," wanpela pas i kam long TSA i tok.

"Mipela amamas na i sapotim ol long go long FIFA World Club Championships," dispela pas i tok.

Em i tok gutpela ron na strongpela spirit na pilai bilong klap i soim gutpela na strongpela wok menesmen bilong ol ofisol bilong klap.

"Win bilong Hekari em i bilong PNG tu," TSA Presiden, Jayson James So-on i tok.

Em i givim sapot bilong em bipo long Hekari go long pilaim namba tu gem bilong ol agensim Waitakere long Nu Silan na nau i amamas olsem ol i win na redi long go long Dubai long Disemba.

So-on i tok dispela win bilong Hekari em i histri bilong ol na bilong kantri tu na ol yet i noken lustingting long dispela tu.

Em i singaut long ol arapela 22 asosiesen insait long PNGFA long sapotim Hekari long dispela taim ol i wok long redi stap.

So-on i tok amamas long tingting bilong siaman bilong NSL, John Kapi Nato long kamapim dispela gem wantaim astingting long apim level bilong soka long PNG.

"Dispela em stretpela rot bilong soka long PNG long bihainim," em i tok.

Kapi Nato i tok bihain long win bilong Hekari olsem dispela win i soim olsem astingting bilong em long NSL i karim kaikai nau na ol arapela tim i mas traim long kamap long wankain level olsem Hekari.



NAMBA WAN TIM: Hekari winim sapot bilong spots na komyuniti long PNG. WANTOK POTO.

PNGFA redim ol 2010 pilai

OL PILAI na trening bilong PNG Football Association (PNGFA) bai stat long dispela mun i go inap pinis bilong dispela yia.

Namba wan projek em bilong Futsal we bai kamap long Kimbe aninit long was bilong NBPOL soka asosiesen.

Dispela em trening bilong ol kosa na refri long Futsal (FIFA MA Basic Futsal Coaching and Referee course).

Ol arapela bai stat long namba wan wik bilong Jun wantaim FIFA MA refri kos long Lae.

Bihain em nesenel anda 20 soka tonamen bilong ol meri long Goroka long Jun 9 i go long 14 (Bonde bilong Kwin).

Namba tri samting em OFC junia na yut laisens (Junior/Youth License Coaching) kos bilong Hailans na Momase rijen. Insait long Julai bai Regional

Football Association (FA) Cup i kamap long wanwan rijen.

Julai 1 i go long 4 bai kamap long Hailens rijinel tonamen i kamap long Goroka.

Momase rijinel tonamen bai kamap long Julai 8 i go long 11 long Wau na Ailans rijinel bai kamap long Kokopo long julai 15 i go 18.

Sauten rijen tonamen bai kamap long Julai 22 i go long 25.

Olgeta asosiesen i mas salim ol feks namba bilong ol i go long PNGFA bai ol i ken kisim ol nominesen fom.

Det bilong soim laik long pilai bai pas long Jun 6.

Jenerel Sekreteri bilong PNGFA, Dimirit Mileng, i tok olgeta asosiesen i mas redim ol meri na man tim bilong ol nau.

PNGFA i tok olgeta rejestresen bilong ol tim na pilaia insait long

wanwan asosiesen i pas pinis long Epril 30 na ol bai no inap tok orait long ol lain i kam bihain.

Long Julai bai PNGFA wantaim OFC na Football Federation of Australia (FAA) na gavman bilong Australia bai lonsim wanpela projek ol i kolim "Just Play".

Na long Septemba 15 i go long 19 bai anda 20 soka tonamen bilong ol man i kamap long Madang.

Wanem ol asosiesen i laik salim tim i go long dispela tonamen i mas kisim wanpela nominesen pepa long PNGFA nau bipo long olgeta samting i pas long Ogas 21.

Laspela samting bai kamap long Oktoba we OFC bai kamapim wanpela refri na kosa trening bilong NSL long Mosbi.

Husat i laik save moa i ken ringim sekreteriet long 7284 2299 0 323 2591.

Wisil ron gut yet

MERI nogut bilong ron, Toea Wisil i pilai strong yet bilong PNG.

Las wik Sarere em i ron 11.57 sekens long 100 mita resis we i nupela gutpela mak bilong em bilong dispela yia.

Tupela wik i go pinis (Epril 24) Wisil i pinis namba tu ples long 100 mita resis wantaim 11.68 sekens taim bilong em na namba tri ples long 200 mita wantaim 23.86 sekens taim bilong em.

Dispela gutpela ron bilong Wisil i stat long Queensland Championships long Brisbane yet na nau em i karim i go long Tiny Lister Meet long California State University Los Angeles nau.

Salome Dell i pinis namba tu ples long 800 mita resis bilong em bihain tasol long wanpela memba bilong Olimpik tim bilong USA insait long 2 minit na 07 sekens.

Long ol man Wala Gime i putim wanpela gutpela taim bilong em yet (personal best) long 400 mita wantaim 48.26 sekens.

Long Epril 24, Dell i bin winim 800 mita resis bilong em isi tru insait long 2 minit, 10.97 sekens.

Long ol man, Gime na Kevin Kapmatana i pinis namba wan na tu ples long 400 mita resis insait long 49.12 sekens na 49.20 sekens bilong ol wanwan.

SPOT RAUN

WANTAIM

Scott Vavine, ML



Bikpela tok amamas i go long Hekari Football Club

WIN bilong Hekari agensim Waitakere United Football Club bilong Nu Silan em wanpela samting olgeta manmeri bilong PNG i noken lustingt-ing long en hariap.

Mi ken tingim taim dispela klap i bin stat olsem wanpela tim insait long namba tri (third) divisen insait long Port Moresby Soccer Association (PMSA).

Planti ol pilaia bilong ol long dispela taim i bin ol pilaia bilong Kaparoko long Sentral provins na ol i pilai strong tru long helpim na karim tim i kam antap long level em i stap long en nau.

Wanpela bilong ol dispela yangpela pilaia em Kema Jack husat i nambawan straika bilong Hekari na tu PNG nau.

Kema i bin tokaut long tingting bilong em long stap na strongim klap na em i wok long soim dispela nau long menesmen wantaim gutpela pilai bilong em long fil.

Narapela pilaia em yangpela goli bilong tim, Gure Gabina husat tu i kisim luksave na i kam aut long Sentral soka tonamen long 2006 long Bisini soka graun.

Kema na Gure i kam aut long soka long ples bilong ol na Sentrol provins na nau i gat luksave long nesenel en intanesenel level.

Dispela i mekim planti manmeri long ples na provins bilong ol i amamas tru long ol.

Mi mas tok amamas long John Kapi Nato husat i luksave long dispela kain ol pilaia na i kisim ol na mekim ol i kamap gutpela pilaia moa.

Kapi Nato yet i save insait long bel bilong em olsem God yet i givim kain save na strong bilong pilai long dispela kain ol gutpela pilaia na ino westim taim long kisim ol.

Taim klap i go insait long National Soccer League (NSL), em i kisim ol pilaia bilong Solomon Alan i kam insait long givim moa strong long tim.

Klap i wok long winim ol gem na tu planti arapela awod tasol planti bai askim, wanem samting tru i mekim ol i save pilai gut tru na win olsem?

Wanpela samting Kapi Nato i save tok we i mekim ol i win olgeta taim em bilong wanem em i save putim God yet i go pas long olgeta samting.

Namba tu samting em, Kapi Nato i save givim olgeta helpim na sapot em i ken long helpim klap i ron gut na pilai strong.

Em i save lukim tu olsem olgeta pilaia i mas lainim disiplin (discipline) o pasin bilong harim na bihainim tok na stap gut na bihainim stretpela rot insait na autsait long fil wantaim.

Hekari kamap gutpela piksa bilong ol arapela klap insait long kantri long bihainim.

Ol i kamap gutpela piksa bilong ol klap na tim long ol arapela spot tu na ino long soka tasol.

Wok bilong kamap olsem sempion em ino bilong insait long fil tasol, em i mas kamap long autsait tu na Hekari soim dispela.

Planti taim yumi save lukim na harim olsem sampela pilaia o spotsmanmeri bikheth tru taim ol i kisim biknem na luksave pinis.

Olgeta klap i mas lukluk long Hekari olsem gutpela piksa long bihainim na putim olgeta laik, tingting na wok bilong ol i go pas long God bipo ol i mekim ol arapela samting.

Taim yumi mekim dispela bai yumi tu i nap long kamapim na kisim planti gutpela samting olsem Hekari mekim nau.

Tupela susa resis long spots awod

Andrew Molen i raitim

TUPELA susa bai resis long wanpela spots awod dispela yia.

Abigail na Marcia Tere-Apisah i stap long resis bilong kisim junia spots meri bilong yia (Junior Sports-woman of the Year) awod.

Tupela i save pilai tenis na ol i stap long fainol bilong dispela awod wantaim Joyleen Jeffrey bilong etletiks bilong ol turangu (disability sports-athletics).

Jeffrey i stap long fainol bilong "Best Sportsperson with a Disability" awod tu.

Nem bilong Abigail na Marcia i kamaut taim komiti bilong spots awods i tokaut long nem bilong ol spotsmanmeri na tim i stap long fainol bilong kisim dispela ol awod dispela yia.

Bung bilong dispela SP Sports Awards bai kamap long Me 29 long Crowne Plaza hotel long Mosbi.

Inap 38 manmeri stap long fainol bilong resis long kisim ol dispela awod.

I gat 13 awod bai go long ol lain husat i win.

Memba bilong seleksen komiti, Sir John Dawanicura i tok ol i kisim nem bilong 100 manmeri long winim dispela ol awod.

"Em i no isi long mipela long makim ol dispela husat i stap long fainol.

"Dispela em bilong wanem planti bikpela spots tonamen i bin kamap long 2009 na planti spotsmanmeri soim gutpela pilai long dispela taim," em i tok.



TOKAUT: Memba bilong SPA seleksen komiti, Sir John Dawanicura (lephan) na Numa Alu i tokaut long nem bilong ol spotsmanmeri long Tunde dispela wik.
POTO: Andrew Molen.

Fact file: Awod Sports Reporter of the Year	Nem Andrew Molen Leslie Omaro Ephata Samuel	Spot Wantok Post Courier Post Courier
Technical Official of the Year	Joe Efi Lakani Oala Andrew Vutliu	Boxing Cricket Para-Sport
Coach of the Year	Douglas Mea John Ovia Peter Pulu	Weightlifting Cricket Disability Sport
Sports Administrator of the Year	John Chan Turaho Morea Barbara Stubbings	Billiard and Snooker Volleyball Squash
Best Sportsperson with a Disability	Porua Das Joyleen Jeffery Elias Larry	Disability Sports-Athletics Disability Sports-Athletics Disability Sports-Athletics
Distinguished Services to Sports	Howard Lahari Seura Loa Frank Robby	Billiard and Snooker Cricket Powerlifting
Junior Team of the Year	Ol bai tokaut long wina long presentes nait.	
Junior Female Athlete of the Year	Joyleen Jeffery Abigail Tere-Apisah Marcia Tere-Apisah	Disability Sports-Athletics Tennis Tennis
Junior Male Athlete of the Year	Raymond Haoda Jnr Steven Kari John Boge Reva	Cricket Weightlifting Cricket
National Performance Award	Angelo Aria Hitolo Kevau Steven Ngatnale	Rugby Weightlifting Athletics-Javelin
Team of the Year	PNG Kumuls PNG Under 19 Garamuts VAVA men's volleyball team	Rugby Cricket Volleyball
Sportswoman of the Year	Rita Kari Dobi Mea	Weightlifting Powerlifting
Sportsman of the Year	Rarua Dikana Ryan Pini Nelson Stone	Cricket Swimming Athletics

Tavol kalapim PNG rekot

■ Ikam long pes 28

"Tavol i wok long kalap i go long dispela 15 mita mak long ol arapela wankain resis long PNG yet tasol dispela em i namba wan taim tru em i abrusim dispela rekot mak,"

Green i tok.

Tavol husat i bilong Wes Niu Briten provins tasol i save stap long Lae i bin go insait long PNG etletik skwat long 2006 yet.

Green i tok pilai bilong Tavol i kamap gutpela olgeta yia na hatwok

bilong em long sait bilong moa tren-ing long spit na kalap wantaim kosa, Lloyd Way i helpim em gut tru.

Tavol i gat wanpela moa resis long Los Angeles dispela wiken bipo em bai go bek long Lae.

LAE BISCUIT CO.



SPOTS

LAE BISCUIT CO.

Isu 1865 Wan wik: Fonde, Me 13 - 19, 2010.

Top Up to get K3 free

credits every week

When you Top Up any amount and spend K3 on calls or SMS in a week, we'll text you back with Free K3 Credits the next week. * Conditions apply

bemobile toktok moa

Tavol kalapim PNG rekot

Rekot i sanap 38 yia

MONG Tavol i brukim PNG nesenel rekot bilong ol man long tripel jam o resis bilong kalap i go longwe, long Sande las wik.

Tavol i mekim dispela long 2010 Oxy Invitational Meet long Los Angeles, USA taim em i kalap i go 15.30 mita we i abrusim olupela mak long 15.11 mita.

Evan lewago husat i dai pinis, i bin putim dispela rekot long Bris-

bane long Disemba, 1973 na i stap 38 yia olgeta.

Presiden bilong PNG Athletics Union (PNGAU), Tony Green i tok em i amamas long dispela rekot bilong Tavol.

Em i tok Tavol i wok long soim gutpela pilai long Brisbane yet i kam tasol i no brukim wanpela bikpela mak inap long las wik Sande tasol.

■ Igo moa long pes 27



KALAP: Tavol i kalap long resis bilong em las wik Sande long Los Angeles. POTO: PNGAU.

BOROKO MOTORS

PORT MORESBY: PH: 325 5255
LAKE HAGEN: PH: 422 1144
TABUHAL: PH: 542 1933

KIMBE: PH: 983 5036
MADANG: PH: 422 2559
RABUHAL: PH: 982 8193

Website: www.boroko-motors.com

BAIM WANPELA

ISUZU N-SERIES

NA GO INSAID LO DRO LONG LIMITED EDITION ISUZU SPACE CAB

* Terms na Condisen Apilal! PROMOSEN BAI PINIS 31st JUNE 2010